

62  
5

HARVARD COLLEGE LIBRARY  
FROM THE  
HARVARD-YENCHING  
INSTITUTE  
MAR 1 1932

BT 9301.1341A

11

3



將經類函卷一百六

禮部

禮部

禮部

禮部

禮部

禮部

禮部

禮部

禮部

禮部

禮部

禮部

禮部

禮部

禮部

禮部

禮部

禮部

淵鑑類函卷一百六十一

禮儀部八

釋奠 鄉飲酒

州郡學 養老

增

武學

釋奠一

**增**釋奠釋菜祭之略者也古之入學者釋菜禮其先師

其學宮四時之祭乃皆釋奠釋奠有樂無尸後世不徧

舉四時獨春秋行事而已 **原**周制凡立學必釋奠先

聖先師及行事必以幣 謂天子命之教始立學官 凡菜

奠者必有合也 國無先聖先師則所釋 有國故則不謂

國有可為先聖先師者若唐虞有夔伯夷 凡學春官釋

奠於先師秋冬亦如之 官謂禮樂詩書之官也周禮凡

禮儀部

淵鑑類函卷一百六十一

釋奠

為樂祖祭於瞽宗此之謂先師之類不言夏從春可始

立學者既釁器用幣禮樂之器成則釁之又用幣告先聖先師以器成也然後釋

菜告先聖先師以器成乃時將用也不舞不授器釋菜禮經也釋奠則舞舞則授器司馬之

屬祀授舞者兵也乃退儻於東序一獻無介語可也言

賓於東序也魯之學有米廩東序瞽宗也天子視學

大昕鼓徵所以警眾也早昧爽擊鼓以召眾也凡用樂大胥以鼓徵舉士眾至

然後天子至乃命有司行事興秩節祭先師先聖焉興

司卒事反命告祭畢也祭將出征受命於祖也受成有

於學定兵謀也出征執有罪反釋奠於學以訊馘告釋菜奠幣禮先

師也訊馘所生獲斷耳者詩云執訊獲醜又曰在預獻馘馘或為國也禮記月令曰上

丁命樂正習舞釋菜天子乃率公卿諸侯大夫親往視

之注云樂正樂官之長也命舞者順萬物始出地鼓舞

也將舞必釋奠於先師夏小正曰二月丁亥萬用日

丁亥者吉日也萬者干戚舞也學者大學也謂今時大

舍菜也注釋置也為置牲幣之奠於文宣王廟增月令仲春之月上丁

命樂正習舞釋菜仲丁又命樂正入學習舞學記大

學始教皮弁祭菜示敬道也正義曰凡釋奠有六始

立學釋奠一也四時釋奠有四通前五也王制師還釋

奠於學六也釋菜有三春入學釋菜合舞一也釁器釋

菜二也學記皮弁祭菜三也 漢高祖十二年十一月  
上行自淮南還過魯以太牢祀孔子 光武建武五年  
上幸魯使大司空祀孔子 明帝永平十五年三月幸  
孔子宅祀仲尼及七十二弟子親御講堂命皇太子諸  
王說經 章帝元和二年春帝東巡還過魯幸闕里以  
太牢祀孔子及七十二人作六代之樂大會孔氏男子  
二十以上者六十三人命儒者講論語帝謂孔僖曰今  
日之會於卿宗有光榮乎對曰臣聞明王聖主莫不尊  
師貴道今陛下親屈萬乘辱臨敝里此乃崇禮先師增  
輝聖德至於光榮非所敢承帝笑曰非聖者子孫焉有

斯言乎 安帝延光三年幸泰山祀孔子及七十二弟  
子於闕里 魏文帝黃初二年詔曰昔仲尼資大聖之  
才懷帝王之器當衰周之末無受命之運在魯衛之朝  
教化乎洙泗之上栖栖焉遑遑焉欲屈己以存道貶身  
以救世于時王公終莫能用之乃退考五代之禮脩素  
王之事因魯史而制春秋就太師而正雅頌俾千載之  
後莫不宗其文以述作仰其聖以成謀可謂命世之大  
聖億載之師表者也遭天下大亂百事墮壞舊居之廟  
毀而不脩褒成之後絕而莫繼闕里不聞講誦之聲四  
時不覩蒸嘗之位斯豈所謂崇禮報功盛德百世必祀

者哉其以議郎孔羨為宗聖侯邑百戶奉孔子祀令魯郡脩起舊廟置百戶吏卒以守衛之 **原**魏齊王正始中每講經徧輒使太常釋奠於辟雍以太牢祀孔子以顏回配 晉武帝太始七年惠帝元康三年二釋奠皆於太學惠帝之為太子及愍懷太子講經竟並親釋奠於太學太子進爵於先師中庶子於顏回也 東晉明成帝在辟雍自是一時制也孝武以大學在水南懸遠有司議依穆帝升平元年於中堂權立行太學釋奠禮畢會百官六品以上 時無國子生有司奏應須二學生百二十人太學生取見人六十國

子生權鉉大臣子孫六十人 宋文帝元嘉二十二年太子釋奠

採晉故事 裴松之議應舞六佾宜設軒懸之樂牲牢器用悉依上公 祭畢親臨學宴

會太子以上悉在 齊武帝永明三年有司奏宋元嘉

舊事學生到先釋奠先聖先師禮又有釋菜未詳今當

行何禮用何樂及禮器時從喻希議用元嘉故事設軒

懸之樂六佾之舞牲牢器用悉依上公 梁武帝天監

八年皇太子釋奠周捨議既惟大禮請依東宮元會太

子著絳紗褱 音博衣領也 樂用軒懸合升殿坐者皆服朱衣

帝從之又有司以為禮云凡為人子者升降不由阼階

吏部郎徐勉議鄭康成云由命士以上父子異宮宮室

既異無不由阼階之禮請釋奠及宴會太子升堂並宜  
 由東階若輦駕幸學自然中階及預會賓客依舊西階  
 大同七年皇太子表其子寧國臨城公入學時議者以  
 與太子有齒胄之議疑之僕射臣纘等以為參點回路  
 並事宣父鄒魯稱盛洙汶無譏師道既光得一資敬無  
 虧亞二制可 北齊將講於天子講畢以一太牢釋奠  
 孔宣父配以顏回列軒懸樂六佾舞皇太子每通一經  
 及新立學必釋奠禮先聖先師每歲春秋二仲常行其  
 禮每月朔制祭酒領博士以下及國子諸學生以上太  
 學四門博士升堂助教以下太學諸生階下拜孔聖揖

顏回日出行事其郡學則於坊內立孔顏廟博士以下

亦每月朝

張憑議曰不拜顏子者按學堂舊有聖賢之像既備禮盡敬奉仲尼以為師而未詳顏子

拜揖之儀臣以聖者君道也師者賢臣道也若乃推舜禹於君位則稷契與我並為臣矣是以王聖佐賢而君

臣之義著拜孔揖顏而師資之分同矣 隋制國子寺每歲四仲月上丁

釋奠於先聖先師年別一行鄉飲酒禮州縣學則以春秋仲月釋奠亦

每年於學一行鄉飲酒禮 唐武德二年於國子學立周公孔子廟

各一所四時致祭貞觀二十一年制左丘明以下二十二人同享初以儒官自

為祭主直云博士姓名昭告於先聖又州縣釋奠亦博

士為主許敬宗奏曰秦漢釋奠無文魏氏則太常行事

自晉宋以降時有親行而學官為主全無典實在於臣

下理不合專今請國家釋奠令國子祭酒為初獻詞稱  
皇帝謹遣仍令司業為亞獻博士為終獻其州學刺史  
為初獻上佐為亞獻博士為終獻縣學令為初獻丞為  
亞獻主簿及尉通為終獻循附禮令以為永制七年二  
月高祖幸國子學親臨釋奠引道士沙門與博士雜相  
駁難久之貞觀十四年二月太宗幸國子學親釋奠永  
隆二年二月皇太子親行釋奠之禮開耀元年二月皇  
太子釋奠於國學景龍二年七月皇太子將親釋奠於  
國學有司草儀注令從臣皆乘馬著衣冠 **增**太宗貞  
觀二年房元齡等建議武德中詔釋奠於太學以周公

為先聖孔子配享臣以為周公尼父俱稱聖人庠序置  
奠本緣夫子故晉宋梁陳及隋大業故事皆以孔子為  
先聖顏回為先師歷代所行古今通允伏請停祭周公  
并孔子為先聖以顏回配從之 十一年封孔子裔德  
倫為褒聖侯脩宣尼廟於兗州給戶二十充享祀 二  
十一年詔以左丘明卜子夏公羊高穀梁赤伏勝高堂  
生戴聖毛萇孔安國劉向鄭眾杜子春馬融盧植鄭康  
成服子慎何休王肅王輔嗣杜元凱范甯賈逵等二十  
一人代用其書垂於國胄自今有事於太學並令配享  
尼父廟堂 高宗永徽中制改周公為先聖夫子為先



師顏回左丘明從祀顯慶二年長孫無忌等議曰成王  
幼年周公踐極制禮作樂功比帝王所以禹湯文武成  
王周公爲六君子又說明王孝道乃述周公嚴配此即  
姬旦鴻業合同王者祀之儒宮就享實貶其功仲尼生  
衰周之末拯文喪之弊祖述堯舜憲章文武弘聖教於  
六經闡儒風於千世故孟軻稱生民以來一人而已自  
漢以降奕葉封侯崇奉其聖迄於今日胡可降茲上哲  
俯入先師且丘明之徒見行其學貶爲從事亦無故事  
今請改令從詔於義爲允其周公仍依別禮配享武王  
詔從之 開元八年國子司業李元瓘奏言先聖宣父

配坐先師顏子道亞生知才光入室請據禮文合從坐  
侍又四科閔子騫等並服膺儒術親承聖教雖復列像  
不參享祀謹按何休等猶霑從祀豈有升堂入室之子  
獨不霑配享之餘望請春秋釋奠列享并命有司圖形  
於壁兼爲立贊詔曰顏子等十人宜爲坐像悉令從祀  
曾參大孝德冠同列特爲塑像坐於十哲之次圖畫七  
十弟子及二十二賢於廟壁上以顏子亞聖親製贊書  
於石仍令當朝文士分爲之贊題其壁焉 二十七年  
詔曰弘我王化在乎儒術能發此道啓迪含靈則生人  
以來未有如夫子者也所謂自天攸縱將聖多能德配

乾坤身揭日月故能立天下之大本成天下之大經美  
政教移風俗君君臣臣父父子子人到於今受其賜不  
其猗歟嗚呼楚王莫封魯公不用俾夫大聖才列陪臣  
棲遑旅人可知矣年祀寔遠光靈益彰雖代有褒稱而  
未為崇峻不副于實人其謂何夫子既稱先聖可追謚  
為文宣王顏子既云亞聖須優其秩 又孔子格言參  
也稱魯雖居七十之數不載四科之目頃雖參於十哲  
終未殊於等倫久稽先旨俾脩舊位庶乎禮得其序人  
咸式瞻命所司奠祭亦如釋奠之禮七十子並宜追贈  
永泰二年脩國學祠堂成祭酒蕭昕始奏釋奠 貞

元二年釋奠自宰臣以下畢集於國學學官升講座陳  
五經大義及先聖之道 十五年歸崇敬奏釋奠祝版  
御署訖北面而揖臣以為其禮太重按禮尚父授周武  
王丹書武王東面受之請參酌輕重庶得其宜 後唐  
長興三年蔡同文奏勅文宣王廟四壁英賢自此每釋  
奠宜准郊祀錄各陳醑醢等諸物以祭 周廣順二年  
以文宣王四十三代孫為曲阜令賜緋魚袋以顏淵裔  
孫顏涉為曲阜主簿仍勅兗州脩葺祠宇墓側禁樵採  
宋初春秋二丁仲冬上丁命官行釋奠如舊典 太  
祖建隆三年詔廟門令立戟十六枝 祥符五年詔改

元聖文宣王諡為至聖文宣王避聖祖名也 仁宗景祐元年詔釋奠用登歌 至和二年詔封孔子後為衍聖公 神宗熙寧八年判監常秩等言文宣王冕用九旒顏子以下各依郡國縣公侯伯正一品至正四品冠服制度庶合禮令從之 元豐六年吏部尚書曾孝寬言孟軻有廟在鄒未加爵命詔封鄒國公 七年禮部言乞以鄒國公同顏子配食宣聖荀况揚雄韓愈並從祀於左丘明等二十二賢之間從之封伯爵頒行天下學廟塑像春秋釋奠行禮 元祐三年太常寺言國子監顏子孟子配享之位即與閔子騫等從祀之位同作

一列雖坐次稍出而在文宣王帳座之後於配食之禮未正請改正顏子而下從享位次為圖頒示天下從之大觀元年大司成強淵言攷禮經士始入學釋菜請自今每歲貢士始入辟雍並以元日釋菜於先聖從之四年詔先聖廟用戟二十四文宣王執鎮圭並如王者之制 崇寧四年八月詔從國子司業蔣靜之請改用冕十二旒服九章而又圖繪頒之天下執圭列戟並從王者制度 徽宗時詔以王安石配享孔子廟設位於鄒國公之次 欽宗靖康元年楊時言王安石學術之謬乞追奪王爵毀去配享之像詔王安石依鄭康成

例從祀 紹興十三年上幸學止輦大成殿外入幄羣臣班列於庭上出幄升東階跪上香執爵三祭酒再拜如常儀 宋度宗咸淳三年帝釋奠於孔子以顏淵曾參孔伋孟軻配列邵雍司馬光從祀又陞顓孫師於十哲 元世祖中統二年詔宣聖廟有司歲時致祭月朔釋奠八月丁酉命開平守臣釋奠於宣聖廟十年大都宣聖廟成行釋奠禮牲用太牢樂用登歌 明洪武元年遣官釋奠於先師孔子定以仲春秋二上丁日降香遣官祭於國子學 四年更定孔子釋奠祭器禮物各置高案籩豆簠簋登鉶悉用磁器牲用熟樂舞生擇

監生及文職大臣子弟在學校者預教習之 十五年詔天下通祀孔子頒釋奠儀 二十六年頒大成樂於天下府學令州縣如式製造 永樂八年令天下文廟聖賢衣冠繪塑不合古制者悉改正 二十八年黜莽大夫揚雄進漢董仲舒從祀 正統元年令刊印儒學從祀先賢名爵位次頒行天下永為遵守 二年以宋儒胡安國蔡沈真德秀從祀 三年禁天下祀孔子於釋老宮 又定祭丁品物其不係出產者鹿兔以羊代榛栗以土產果品代 八年追封元吳澄為臨川郡公從祀 景泰六年以兩廡祭品儉薄從太常寺奏增豕

四隻棗栗各五十斤黍稷各一斗形鹽五十斤及行南  
京國學一例增設 成化二年追封董仲舒為廣川伯  
胡安國為建寧伯蔡沈為崇安伯真德秀為浦城伯  
十二年增樂舞為八佾籩豆各為十二 弘治九年追  
封宋楊時為將樂伯從祀 世宗嘉靖九年上用大學  
士張孚敬等議釐正祀典撤去塑像改大成至聖文宣  
王為至聖先師孔子神位四配為復聖顏子宗聖曾子  
述聖子思亞聖孟子神位十哲以下凡及門弟子皆止  
稱先賢某子神位左丘明以下稱先儒某子神位凡舊  
封公侯伯爵盡皆革去 長樂劉氏曰周有天下立四

代之學虞庠則以舜為先聖夏學則以禹為先聖殷學  
則以湯為先聖東膠則以文王為先聖各取當時左右  
四聖成其德業者為之先師以配享焉此天子立學之  
法也

釋奠二

**原尊師**

**貴齒**

潘尼釋奠詩曰敦書請業研幾通理尊師重道釋奠崇祀德成教倫孰云不祉

袁曜詩曰南庠貴齒東學尚親卑躬

下問降禮師臣圓冠濟濟方領恂恂

**重道**

**崇儒**

上見尊師注下

**肄業**

**講藝**

袁曜詩肄業既終舍奠爰始韶音遽奏笙

鏞間起茨夏愔愔醉容疊疊德奢

**立學**

**啓庠**

上詳

并慚陳信焉取下見顏延之詩

**祭**

禮儀部

淵監頁

釋奠

上

藻 舞戚 學記皮弁祭菜示敬道也注 肅肅 濟濟

王胡之表曰伏承仰遵古典以今月吉日釋奠先聖率

土臣民順風載悅臣宿嬰重患不獲陪列豫觀肅肅穆

穆之容仰望雲漢伏枕 陳牲 釋菜 李諧詩沛澤南

欣慨 下見傳成頌 禮師 尚齒 擊虞頌曰

曰師氏陳牲委奠神具醉止 禮師 尚齒 如彼泉流

薄言嘉宴 下詳釋奠一 禮師 尚齒 擊虞頌曰

不盈不運講業既終禮師承天頌乃昔孔顏夢周希虞自

雍其來肅肅其見何承天頌乃昔孔顏夢周希虞自

天由美異代同符經脩講治研 尊道 悅學 潘尼頌

幾識理道貴崇業降尊尚齒 尊道 悅學 留精儒

術敦悅古訓尊道讓齒降心下問鋪以金聲光以玉潤

如川之升如乾之運 何承天詩黃中宣朗徽音播越

祇事昧早脩禮明發伊何 探幽 論奧 潘尼頌

悅學崇儒願言西雍延想沂洙 探幽 論奧 乃延台

保乃命學臣探幽窮躋溫故知新 溫嶠頌敷論義奧

綜析毫芒賦納以言麗辭孔彰管簫並舉和樂載揚

師臣 胄子 觀禮 講經 於國學觀

其禮也 魏正始中齊王每講經徧輒 增習舞 登

使太常釋奠先聖先師於辟雍不躬親 增習舞 登

歌 並一詳釋 待致諸子 周禮大胥掌學士之版以待致

合聲鄭注云諸子學舞者版籍也大胥主此 惟享仲

籍以待當召聚學舞者舍即釋也采讀為菜 惟享仲

尼 范堅書問馮懷曰漢代以來釋奠先師唯饗仲尼不

文武豈惟 原兩楹之奠 儒禮祀事 三獻之儀 式

周公乎 原兩楹之奠 兩楹之奠 三獻之儀 式

遵前典 敬享先師 序齒於虞庠 展義於禰廟

釋奠三 原詩宋顏延之侍皇太子釋奠詩曰國尚師位家崇儒

門稟道毓德講藝立言俊明爽曙達義茲昏永瞻先覺

顧惟後昆虞庠飾館睿圖炳晬懷仁景集抱智麇至踵

門陳書躡履獻器澡身元淵宅心道秘伊昔周儲聿光  
往記思皇世哲體元作嗣資此夙知降從經志正殿虛  
筵司分簡日尚席函文丞疑奉職侍言稱辭惇史秉筆  
妙識幾音王載有述肆義方訊大教克明敬躬祀典告  
奠聖靈禮屬觀盟樂薦歌笙獻終襲吉即宮廣宴堂設  
象筵庭宿金懸台保兼徽皇戚比彥肴乾酒澄端服整  
弁 齊蕭子良詩曰霜輕流日風送夕雲雕簷結綵綺  
井生文四璉合旨八簋舒芬 王儉詩曰禮惟國幹義  
實民端身由業澡世以教安金鎔乃器水術伊瀾漸芳  
則馥履冰固寒瞽宗務時類宮善誘咨此舍生躋彼仁

壽淳移雅缺歷茲永久遊藝莫師獨學誰友三兆戒晨  
八鸞警旦風動萬宮雲棲參館禮邁仁周樂超英漢神  
保爰格祝史斯贊鬱鬯既終德馨是與降冕上庠升宴  
東序槐宰金貞藩維玉譽時彥莘莘國胄楚楚 梁任  
昉詩曰在昔歸運阻亂弘多夷山製宇盪海為家風雲  
改族日月增華欽聖茲遠懷道茲沖踐言動俗果行移  
風進往一簣啓或三蒙冰實因水金亦在鎔惟神知化  
在物立言樂正雅頌咸被後昆告奠明祀觀道聖門日  
月不息師表常尊 沈約詩曰尊學尚矣道亦遐哉啓  
圖觀祕闕苑興才事高東序義邁雲臺峩峩德傳灼灼

英台復禮曲臺反樂宣榭闕文內舉輜軒外駕結朋千里從師百舍墜典必脩闕祀咸薦迴鑾獻爵擬金委奠肆士辨儀胥人掌縣髣髴神蹤徘徊靈睭又為南郡王侍太子釋奠宴詩曰陵季相沿訓隨世殆政缺雅乖風離化改禮亡衽席樂沈河海二雍靡構四教誰採瞻震並峻義屬重麗橫書清道晦彼生知又詩曰義重師匡業貴虛受襄野順風西河杜帚表跡虧光降情迴首道御百靈神行萬有尊學尚矣繼列傳徽旗章或舛茲道莫違自堂及室異軫同歸洋洋化範楚楚儒衣

**原**頌晉傅咸頌曰蒸蒸皇儲既睿且聰神而明之夫豈

發蒙謙以制禮靡事不恭企茲良辰卜近于中乃脩嘉薦于國之雍敬享先師以酬聖功疊疊皇儲希心闕里光光輿服穆穆容止祇奉聖靈躬承明祀濟濟儒生侑侑胄子清酒于觴匪宴斯喜欣道之弘自今伊始潘尼頌曰三光迭運五德代微黃精既沈素靈乃暉有皇承天造我晉畿祚以大寶登以龍飛聖容穆穆侍講閭閻抽演微言啓發道真探幽窮蹟溫故知新曰皇儲后體神含幾兆吉先見知來動微陳徐伯陽頌曰穆穆皇儲峩峩副主道尊主鬯德崇監撫春誦夏絃冬書秋羽漢召趨幄周朝問豎翔集禮闈逍遙義府四海無浪



三階已平儲駕戾止和鸞有聲弘風講肄崇儒肅成丹  
書貴道黃金賤羸洙泗興業闕里增榮青槐陰市元冕  
飛纓

**原文**晉庾亮祭孔子文曰維咸康三年荆豫州刺史都  
亭侯庾亮敬告孔聖明靈詩書煥於唐虞憲章盛於文  
武然後黎元時雍彞倫攸敘幽厲頽構王繩絕紀高岸  
為谷六合錯否上凌夷而失教下苟免而無恥公以元  
聖之靈應感圓通萬物我賴匪我求蒙夫子既沒洪範  
乖流秦雖慢道漢聿孔修洎我皇晉仰欽大猷宗聖既  
建遐胄俾侯令月吉辰祇陳大禮磬管鏘鏘威儀濟濟

嘉奠既設欽若靈規心存鳳德尚想來儀神其歆之降  
鑒在斯 梁元帝祭文曰粵若宗師猗歟乃聖維岳降  
神維天所命上善如水至人若鏡 又祭顏子文曰欽  
哉體一亞彼至人乍分介石時知落鱗不先稱寶席上  
為珍致虛守靜曲巷安貧欽風味道其德有鄰 陸倕  
祭孔子文曰於惟上德是曰聖真克明克俊知化窮神  
研幾善誘藏用顯仁利同道濟成俗教民道尊功倍德  
溥化光離經辨志濟濟洋洋

州郡學一 **增**武學

**原**物理論曰學者植也 五經通義曰三王教化之宮

總名為學 禮記曰古之教者家有塾黨有庠術有序  
國有學 **增**王制命鄉簡不率教者以告耆老皆朝於  
庠元日習射上功習鄉上齒注此庠謂鄉學也疏云習  
射上功在州學習鄉上齒在黨學初時耆老會于庠學  
乃擇元日就州學習射即黨學習鄉習射習鄉各在一  
處也 **又**命鄉論秀士升之司徒曰選士注移名於司  
徒也 周禮州長正月之吉各率其州之民而讀法以  
攷其德行道藝而勸之以糾其過惡而戒之若以歲時  
祭祀州社則屬其民而讀法亦如之春秋以禮會民而  
射於州序 **黨**正四時之孟月吉日則屬民而讀邦法

以糾戒之春秋祭禘亦如之國索鬼神而祭祀則以禮  
屬民而飲酒於序以正齒位 **原**尚書大傳曰稷鉏已

藏歲事欲畢餘子皆學十歲始入小學見小節踐小義  
十八始入大學見大節踐大義 **增**三禮義宗周人又

以虞氏之庠為六鄉之學夏氏之序為六遂之學亦以  
序為黨學謝為州學鄉學在郊之外遂學在遠郊之上  
儀禮云州學名豫鄭注云豫宜從謝州立謝者下鄉也  
今文豫為序序乃夏學非也周禮州學為序者字之誤  
也序庠制有室豫制無室 禮明堂位米廩有虞氏之  
庠也序夏后氏之序也瞽宗殷學也類宮周學也 **原**

漢書曰三代之道鄉里有教夏曰校殷曰庠周曰序

**增**漢文翁為蜀郡守仁愛教化見蜀地僻陋有蠻夷風文翁欲誘進之乃選郡縣小吏開敏有材者張叔等十餘人親自飭厲遣詣京師受業博士或學律令減省少府用度買刀布蜀物齎計吏以遺博士數歲郡生皆成就還歸文翁以為右職用次察舉官有至郡守刺史者又脩起學宮於成都市中招下縣子弟以為學官弟子為除更由高者以補郡縣吏次為孝弟力田常選學官僮子使在便坐受事每出行縣益從學官諸生明經飭行者與俱使傳教令出入閨閣縣邑吏民見而榮之數

年爭欲為學官弟子富人至出錢以求之由是大化蜀地學於京師者比齊魯焉至武帝時乃令天下郡國皆立學校官自文翁為之始云 平帝元始三年立學官郡國曰學侯國曰校校學置經師一人鄉曰庠聚曰序序庠置孝經師一人 何武為刺史行部必先即學宮見諸生試其誦論問以得失 世宗建武六年李忠為丹陽守以丹陽越俗不好學乃為起學校習禮容春秋鄉飲選用明經郡中向慕之 **原**續漢書曰明帝永平二年上始帥郡國縣道行鄉飲酒禮於學校 **增**明帝永平十年幸南陽召校官弟子作雅樂奏鹿鳴帝自御

海錄卷一百一十一  
一  
頃箎和之以娛嘉賓 韓延壽守潁川教以禮讓令文  
學校官諸生皮弁執俎豆徙為東郡延壽為吏上禮義  
好古教化所至必聘賢士表孝弟有行脩治學宮春秋  
鄉射陳鐘鼓管絃盛升降揖遜 寇恂為汝南太守脩  
學校教生徒聘能為左氏春秋者親受舉焉 任延為  
武威太守造立校官自掾吏子孫皆令習業受業復其  
徭役章句既通悉顯拔榮進之郡遂有儒雅之士 鮑  
德為南陽守脩起黌舍備俎豆黻冕行禮奏樂又尊享  
國老宴會諸儒百姓觀者莫不勸服 **原**魯丕為趙相  
趙王商嘗欲避疾便時稍住學宮丕止不聽商遂上言

詔下詰丕奏曰學宮傳五帝之道脩先王禮樂教化  
之處欲廢塞以廣游讌事不可聽詔從丕言 **增**魏明

帝時高柔上疏曰漢末陵遲禮樂崩壞太祖初興愍其  
如此在於撥亂之際並使州縣立教學之官高祖即位  
遂闡其業興復辟雍州立課試於是天下之士復聞庠  
序之教親俎豆之禮 晉虞溥為鄱陽內史大脩庠序  
廣招學徒移告屬縣具為條制於是至者七百餘人溥  
乃作誥以獎諭之曰文學諸生皆冠帶之流年盛志美  
始陟學庭講脩典訓此大成之業立德之基也夫聖人  
之道淡而寡味故始學者不好也及至期月所觀彌博

所習彌多日聞所不聞見所不見然後心開意朗敬業  
樂羣忽然不覺大化之陶已至道之入神也故學之染  
人甚於丹青丹青吾見其久而渝矣未見久學而渝也  
夫工人之染先脩其質後事其色脩色積而染工畢矣  
學亦有質孝弟忠信是也君子內正其心外脩其行行  
有餘力則以學文文質彬彬然後爲德夫學者不患才  
不及而患志不立故曰希驥之馬亦驥之乘希顏之徒  
亦顏之倫又曰契而舍之朽木不知契而不舍金石可  
虧斯非其效乎時祭酒求更起屋行禮溥曰君子行禮  
無常處也故孔子射於矍相之圃而行禮於大樹之下

况今學庭庠序高堂顯敞乎 穆帝永和中庾亮在武  
昌開置學官起立講舍亮家子弟及參伍大將子弟悉  
令入學四府博學識義通涉文學經綸者建儒林祭酒  
使班同三署厚其供給皆妙選邦彥必有其宜者以充  
此舉近臨川臨賀二郡並未脩復學校若非束脩之流  
禮教所不及而欲階緣免役者不得爲生明爲條制令  
法清而人貴 梁武帝選學生造就會稽雲門山受業  
於廬江何胤分遣博士祭酒到州郡立學 後魏天安  
初立鄉學郡置博士二人助教二人學生六十人後令  
大郡立博士二人助教四人學生百人次郡立博士二

人助教四人學生八十人中郡博士一人助教二人學生六十人下郡立博士一人助教一人學生四十人郡縣學始乎此矣北齊制諸郡並立學置博士助教授經學生俱被差逼充員士流及豪富之家皆不從調備員既非所好墳籍固不關懷又多被郡州官人驅使縱有游惰亦不檢察皆由上非所好之所致也諸郡俱得察孝廉其博士助教亦游學之徒通經者推擇充舉射策十條通八以上聽九品出身其尤異者亦蒙抽擢隋仁壽元年詔廢州縣學煬帝復開庠序國子郡縣之學盛於開皇初唐制京都學生八十人大都督中都

督府上州各六十人下都督府中州各五十人下州四十人京縣五十人上縣四十人中縣中下縣各三十五人下縣二十人州縣學生州縣長官補長史主焉每歲仲冬州縣館監舉其成者送之尚書省武德二年詔諸州明經秀才俊士進士明於理體為鄉里稱重者縣考試州長重覆歲隨方物入貢吏民子弟有學藝者皆送於京學為設考課之法州縣鄉里皆置學焉常袞建中初觀察福建始閩人未知學袞為設鄉校使作文親講導與鈞禮由是俗一變歲貢士與內州等後閩人春秋配享袞於學宮宋太平興國二年知江州周述

言廬山白鹿洞學徒常數千百人乞賜九經肄習詔國子監給本仍傳送之仁宗即位之初賜兗州學田已而又命藩輔皆得立學其後諸旁郡多願立學者詔悉可之稍增賜之田如兗州由是學校之設徧天下慶曆四年范仲淹等建議精貢舉請興學校本行實乃詔州縣立學本道使者選屬部爲教授不足則取於鄉里宿學之有道業者士須在學三百日乃聽預秋試舊嘗充者百日而止安定先生胡瑗自慶曆中教學於蘇湖間二十餘年弟子前後以千計是時方尚辭賦獨湖學以經義及時務學中故有經義齋治事齋經義齋者

擇疏通有器局者居之治事齋者人各治一事又兼一事如邊防水利之類其出而筮仕多適於世用若老於吏者由講習有素也五年詔曰頃者嘗詔方夏增置學官而吏貪崇儒之虛名務增室屋使四方遊士競起而趨之輕去鄉閭浸不可止今後有學州縣毋得輒容非本土人居止聽習若吏以繕脩爲名而斂會民財者按舉之神宗熙寧四年詔置京東西河東北陝西五路學以陸佃等爲諸州學官仍令中書采訪逐路有經術行誼者各三五人雖未仕亦給簿尉俸使權教授他路州軍命近日選薦京朝官有學行可爲人師者堂除

逐路官令兼所任州教授州給田十頃為學糧仍置小學教授 八年詔諸州學官先赴學士院試大義五道取優通者選差 徽宗崇寧四年鮑耀卿言今州縣學考試未校文字精弱先問時忌有無苟語涉時忌雖甚工不敢取時忌如曰休兵以息民節用以豐財罷不急之役清入仕之流諸如此語熙豐紹聖間試者共用不忌今悉絀之宜禁止詔可七年給事中毛友言比守郡見訴役者言富家子弟初不知書第捐數百緡錢求人試補入學遂免身役比其歲升不中更數年而始除籍則其倖免已多矣請初試補入縣學人並簾試以別偽

冒從之 明洪武初令在京府學生員六十人在外府學四十人州學三十人縣學二十人日給廩膳生員聽於民間選補仍免其家差徭二丁 二十年令增廣生員不拘額數 二十七年令武官舍餘年十五以下許入府州縣學讀書 宣德七年令衛所官舍軍餘俊秀者許入附近府州縣學聽赴本處鄉試 正統元年生員名缺許本處官員軍民之家及社學俊秀無過犯者選補 十二年奏准生員常額之外軍民子弟願入學者提調教官考選俊秀待補增廣名缺一體考選應試 景泰三年各處軍生許考補廩膳照例科貢 十七



年土官嫡子許入附近儒學 弘治七年奏准廩膳有缺務於增廣內考補不許將別學增廣調補 **原**魏名臣奏曰蔣濟奏學者不恭肅慢者酗酒好訟罰飲水三升 任豫益州記曰文翁學堂在大城南經火災蜀郡太守高朕脩復繕立圖畫聖賢古人像及禮器瑞物 **增**武學宋慶曆二年十二月詔兩制舉官為官學教授三年五月置武學於武成王廟以太常丞阮逸為教授其年八月罷武學 熙寧五年樞密院言古者出師受成於學文武弛張其道一也仁宗嘗建武學既而中輟請復之詔置學於武成王廟選文武知兵者為教授凡

使臣未參班及門蔭草澤試人材弓馬應格方入學給常膳習諸家兵法教授纂次歷代用兵成敗及忠義足以訓者講釋之願試陣隊者量給兵伍肄習及三年考其藝補班行以兵部郎中韓縝判學郭固同判閏七月五日詔學生限百人十日蔡碩試邊策為教授九月詔試大義十道 靖國元年續脩敕令格式大觀二年十一月詔上舍生三取一限百人政和二年詔外舍生稱武選士內舍生稱武俊士 淳熙四年幸武學十六年改堂名立武然郡國未之立也慶元五年詔即諸州學置武士齋宮按武藝 設武科以取士有周道焉所謂

貫革之射息說劔搢笏冕衣裳在西學皆俊遊也古者千籥皆學於東序狸首駟虞又皆樂師所以教國子也

州郡學二

**原米廩**

禮明堂一

**師門**

應璩答韓大憲書昔公孫弘皓

**稷下**

虞喜志林齊有

**泗上**

文中之教化洙泗之上

**啓微**

杜預七規營辟雍以

**周游**

學士因以為名

**啓微**

崇禮制庠序以啓微

**齊都**

賦曰濟濟稷下

**啓微**

禮大司徒職以本俗六

**術**

雲集以詠聖術

**聯師**

安萬民一曰媿宮室二曰

**鄉校**

左傳鄭人游於鄉校以論執政然明謂子產毀鄉校如子產曰何為夫人朝夕退而遊焉以議執

政之善否其所善者吾則行之其所惡者吾則改之是吾師也若之何毀之

與王敦入學戲見顏原像而歎曰若與同升孔堂去人

何士當令身名俱泰何至以獲牖語人劉孝通一經

魏明帝詔世之質文隨教而變兵亂以來經學廢絕後

其進趣不由典謨豈訓導未洽將進用者不以德顯乎

高第者亟用其浮華不務道本者皆罷退之

孔臧與子書曰學博求儒術起立學校博求儒術

多聚生徒晉中興已脩禮志行之士莫不宗之期年之後

風化大行自中興以來崇學敦教未有如甯者也

六年遷臨淮太守求補豫章甯在郡大設庠序遣人往

交州採磬石以供學用改革舊制不拘常憲遠近至者

禮儀部

州郡學

州郡學

安學親

師禮學記安其學而親其師樂其友而信其道是以雖離師輔而不反說命曰敬遜務時敏厥脩乃來其此

乎謂鼓篋孫業擊鼓警衆乃發篋出所治經業也孫

猶恭博喻為師禮記君子知至學之難易而知其美

能為師然後能為君也是故擇師不可不慎也士林

開士林講肆詩書之學王粲儒史論古者八歲入

事之學教化之處一詳學天子立學天子立四郊之養周

翁立學一詳學天子命教王制天子命之教然後為

博士考課計學令曰請博士助教脩廟得璧一詳學起

屋行禮一詳學增建蜀學一詳學倡閩學並詳起黌舍學詳

一崇儒雅後秦彭遷山陽太守下車脩教崇好儒雅素明學校以身

為誨唐倪若水為畫孝友傳唐李栖筠為賜諸生

書言行錄錫知睦州下車建孔子祠教民興學表

廣文公石室蔣堂知益州漢文翁石室在孔子廟中堂

教諸親嶽麓書院劉珙知潭州舊有嶽麓書院真宗

禮佳學倡於南京宋晏殊留守南京興學校延范仲

公倡學冠於諸郡宋陳襄知常州君庠窄小不足以

遂為諸郡之冠原子衿刺廢亂世則小雅盡廢學不可

廢教所由興學立膠庠士分選造將崇洙泗

之風必立膠庠之學君將化人學實為本官能

宿業教之所興化民成俗學則為先官苟非人教

禮儀部州郡學

所由廢 **增武學** 名將圖形 唐建中中詔史館考定

今古名將六十四人圖其形 學官進秩 宋孝宗幸武學謁武成

命去白起 宋太祖嘗幸武成王廟觀所畫名將指白起

錫等取歷代謀臣名將 詔升管仲 宋太祖詔曰武成

功業始終無瑕者配享 詔復武學 宋慶曆詔置

相管仲宜塑像升於堂上西 詔復武學 武成王廟後

河守吳起宜畫像降於廡下 詔復武學 武成王廟後

議者以為古名將諸葛亮羊祜裴寂等豈專學孫吳哉

遂罷武學熙寧五年樞密院乞復置武學追成先朝之

志詔復 乞興武學 胡瑗乞興武學講論語使知忠孝

從之 乞興武學 之道講孫吳使知制勝之術撰武

成學規矩之一 蔡京談兵 宋羅戩徽宗時命為武學論

卷時議難之 蔡京談兵 上幸學百官先集蔡京於坐

談兵戩心晒之不 德之論陣 擢外省第一累官武學

聽其語觸怒奪官 德之論陣 擢外省第一累官武學

博士與諸生論八陣之象本乎八 論戰守 宋朱熹應

卦竒正之變往來相生而不窮 論戰守 詔入對言

君父之讎不與共戴天非戰無以復讎非守無以制勝

時相湯思退方倡和議不悅除熹武學博士後與洪适

論不合 掌兵書 四明志武學置博士學諭各二人

而歸 掌兵書 掌以兵書弓馬武藝訓誘學者

州郡學三

**原頌** 後漢崔瑗南陽文學頌曰昔聖人制禮樂也將以

統天理物經國序民立均出度因其利而利之俾不失其性也故觀禮則體敬聽樂則心和然後知反其性而正其身焉取律於天以和聲採言於聖以成謀以和邦國以諧萬民以序賓旅以悅遠人其觀威儀省禍福也出言視聽於是乎取之辭曰民生如何導以禮樂乃脩禮官奮其羽籥我國既淳我俗既敦神樂民則嘉生乃

繁無言不酬其德宜光先民既沒賴茲舊章我禮既經  
我樂既馨三事不敘莫識其形 魏曹植學宮頌曰自  
五帝典絕三王禮廢應期命世齊賢等聖者莫高於孔  
子也故有若曰出乎其類拔乎其萃誠所謂性與天道  
不可得而聞矣由也務學名在前志宰予晝寢糞土作  
誠過庭子弟詩禮明記歌以詠言文以騁志予今不述  
後賢曷識於鑠尼父生民之傑性與天成該聖備藝德  
倫三五配皇作烈元鏡獨鑒神明昭晰仁塞宇宙志陵  
雲霓學者三千莫不俊乂惟仁可憑惟道足恃鑽仰彌  
高請益不已 又孔子廟頌曰脩復舊廟豐其甍宇莘

莘學徒爰居爰處王教既備羣小遄阻魯道以興永作  
憲矩洪聲登遐神祇來祐休徵雜沓瑞我邦家內光區  
域外被荒遐

**原記**魏王粲荊州文學記有漢荊州牧劉君稽古若時  
將紹厥績乃曰先王之為世也則象天地軌儀憲極設  
教導化叙經志業用建雍泮焉立師保焉作為禮樂以  
淑其性表陳載籍以持其志上知所以臨下下知所以  
事上官不失守民德無悖然後太階平焉夫文學者人  
倫之守大教之本也乃命五業從事宋衷所作文學延  
羽徒焉宣德音以贊之降嘉禮以勸之五載之間道化

大行者德故老綦毋闔等負書荷器自遠而至者三百  
有餘人於是童幼猛進武人革面總角佩觿委介免胄  
比肩繼踵川逝泉湧疊疊如也兢兢如也遂訓六經講  
禮物諧八音協律呂修紀曆理刑法六路咸秩百氏備  
矣天降純嘏有所底授臻于我君受命既茂南牧是建  
荆衡作守時邁淳德宣其丕繇厥繇伊何四國交阻乃  
赫斯威爰整其旅虔夷不若屢戡寇侮誕啟洪軌敦崇  
聖緒典墳既章禮樂咸舉濟濟縉紳盛茲階宇祁祁俊  
髦亦集爰處和化普暢休徵時敘品物宣育百穀蕃廡  
勲格皇穹聲被四字

**原**詔宋傅亮立學詔曰古之建國教學為先弘風訓世  
莫尚於此發蒙啟滯咸必由之故爰自盛王迄於近代  
莫不敦崇學藝修建庠序自昔多故戎馬在郊旌旗卷  
舒日不暇給遂令學校荒蕪講誦蔑聞軍旅日陳俎豆  
藏器訓誘之風將墜於地今王略遠覃華域清晏仰風  
之士日月以冀便宜博延胄子陶獎童蒙選被儒官弘  
振國學

**原**表宋鄭鮮之請立學表曰至於洙泗之教洋洋盈耳  
所以柔漸性情日用成器國廢胄子之教家弛勸學之  
訓宜振起頽業以迴視聽接光太陽燭之幽夜令欣流

者濟津懷寶者剖和 梁簡文帝求寧國臨城二公入  
學表曰臣聞瞻彼緝弧既須良冶相諸筍玉猶藉他山  
故沮渙之水可居鄒魯之鄉為貴下帷投斧昔人以為  
精力棄竿委麥先哲以為美談伏惟陛下弘至德之微  
言闡無為之妙說話郊講道不勞賈生之議就陽啟位  
無待公玉之圖願得齒年國胄隨肩選造 元帝請於  
州立學校表曰臣聞公宮之南四術四教司樂成均六  
詩六律韶濩既舞羽籥之道行焉黨整茲備離經之志  
辨焉故不升嵩霍豈識乾行之峻不臨溟渤安知地載  
之厚泊乎秦焚金篆周亡玉鏡羣言爭亂諸子相騰書

則夏侯歐陽易則神輸道訓詩乃齊魯毛韓傳稱鄒左  
張夾禮有曲臺王史之異樂有龍德趙定之殊伏惟陛  
下撫五辰而建五長播九德而導九州容城為曆興景  
雲之瑞伶倫吹律應黃鍾之琯撥亂反正經武也制禮  
作樂緯文也若非六經庖厨百家異饌三墳為瑚璉五  
典為笙簧豈能暴以秋陽紆就望之景濯以江漢播垂  
天之澤

**原**啟梁王僧孺為蕭監利求入學啟曰竊以矯首伺飛  
不如修弋宛足念遠莫若驅鑣故樸斲成於丹雘篠簜  
資於栝羽敢因葶末有志庠均為山資於一簣學海漸

其微流 任昉求為劉瓛立館啟曰昔在魏中爰及晉  
始書貴虛元人悅陶縱瑚璉廢泗上之容樽俎恣林下  
之適春千秋羽委曠而弗陳西序東膠寂寥而誰仰劉  
瓛澡身浴德修行明經賤珪璧於光陰勁松筠於歲晚  
貧不墮獲其心窮不二三其操而困無居止浮寓親游  
垣棟傾替室衢墊側有芻自遠無用栖憑皆負笈擔簦  
櫛風沐露瓛之器學無謝前修輒欲與之周旋開館招  
屈臣第西偏官有閒地北拒晉山南望通邑雖曰人境  
實少浮喧廣輪裁盈數畝布以施立黌塾薄藝桑麻粗  
創茨宇

**原教**晉湛方生修學校教曰貴郡之境山秀水清嶺舉  
雲霞之標澤流清曠之氣荆藍之璞豈不在茲 梁元  
帝召學生教曰昔楚王好詩沛王傳易猶且傳之不朽  
以為盛事况吾親承天旨聞禮聞詩方欲化行南國被  
於西楚

### 鄉飲酒一

**增**呂氏曰鄉飲酒者鄉人以時會聚飲酒之禮也因飲  
酒而射則為之鄉射 **原**周制鄉飲酒禮主人朝服就

先生而謀賓介

主人謂諸侯之卿大夫也朝服者冠元  
端緇帶素鞞白履先生鄉中致仕者賓

介處士賢者也古者年七十而致仕老於鄉里大夫名  
曰父師士名曰少師而教學焉恒知鄉人之賢者是以

禮儀部

禮儀部

鄉飲酒

三



大夫就而謀之賢者為賓其次為介又其次為眾賓而與之飲酒乃席賓主人介賓席前南面主人席阼階上西面介席西階上東面眾賓之席皆不屬焉敷眾賓席於賓席西不屬不相續也皆獨坐明其德各特也罇兩壺於房戶間元酒在西元酒在西

也上設洗於阼階東面主人與賓三揖至於階三讓主人升賓升主人阼階上當楣北面再拜賓西階上當楣北

面答拜三揖者將進指當陳指當碑指也楣前梁也復拜拜賓至此堂尊之也主人坐取

爵實之賓席前西北面獻賓獻進也進酒於賓也賓西階上拜主

人少退退避也賓進受爵復位主人阼階上拜送爵賓少

退復西階也薦脯醢薦進也進之者主人有司賓升席自西方升由下也升必

席中乃設折俎賓坐左執爵祭脯醢坐坐於席也祭脯醢者以右手奠爵

于薦西卒爵興賓實爵主人之席前東南面酢主人主

人阼階上拜賓少退主人進受爵復位賓西階上拜送

爵薦脯醢主人升席自北方設折俎祭如賓禮祭者祭薦俎及

爵興賓西階上答拜自席前者齊酒席末主人坐奠爵

於序端主人實觶酬賓阼階上北面坐奠觶遂拜執觶

興賓西階上答拜酬勸酒也酬之言坐祭遂飲主人賓

觶賓之席前北面賓西階上拜主人進坐奠觶於薦西

主人揖降賓降立於階西當序東面主人將興介為禮

也主人以介揖讓升拜如賓禮主人坐取爵於東序端

禮儀部 鄉飲酒

實爵介之席前西南面獻介介西階上北面拜主人少  
 退介進北面受爵復位主人介右北面拜送爵介少退  
主人拜介右主人立於西階東薦脯醢介升席自北方  
 降賓就卑也  
 設折俎祭如賓禮自南方降席北面坐卒爵興坐奠爵  
 遂拜執爵興主人介右答拜不齊碎介授主人爵於兩  
 楹之間就樽南授之也介不自酌介西階上立主人實  
 爵酢於西階上介右坐奠爵遂拜卒爵興介答拜主人  
 復降階揖降介降立於賓南主人西南面三拜眾賓眾  
 賓皆答一拜三拜一拜者示偏不主人揖升坐取爵於  
 西楹下實爵獻眾賓眾賓之長升拜受者三人長其老  
者也言

三人則眾  
 主人拜送于眾坐祭立飲授主人爵降復位

賤者禮眾賓獻則不拜受爵坐祭立飲彌簡每一人獻

則薦諸其席主人以爵降奠于筐不復揖讓升席即設

席於堂廉東上為工布席也樂正先升立於西階東正

工入升自西階北面坐工歌鹿鳴四牡皇皇者華三者

雅 笙入堂下磬南北面立樂南陔白華華黍笙吹者也

詩以為樂也南陔白華華黍小雅今亡 乃間歌魚麗笙由庚歌南有嘉魚

笙崇丘歌南山有臺笙由儀間代也謂一歌一乃合樂

周南關雎葛覃卷耳召南鵲巢采芣采蘋合樂謂歌與

禮儀部 君夫人房中之樂歌也 工告於樂正曰正歌備樂正

告於賓司正洗解升自西階上北面受命於主人主人

曰請安於賓司正告於賓司正實解降自西階階間北

面坐奠解退共音拱少立階間北面東西節也其南北當

也坐取解不祭遂飲坐奠解于其所退立於解南洗解

示潔敬也立於其南以察衆也賓北面坐取俎西之解阼階上北面酬

主人主人降席立於賓東初起旅主人受解賓拜送於

主人之西旅酬同主人西階上酬介介立於主人之西

如賓酬主人之禮主人揖復席司正升相旅曰某子受

酬受酬者降席旅序也於是介酌衆司正退立於序端

東面受酬者拜興飲皆如賓酬主人之禮嫌賓以下異也司正

降復位解南使二人舉解於賓介司正升自西階受命

於主人主人曰請坐于賓遂徹俎乃差差進也所進者

骨體所以致敬也今進差所以無算爵算數也賓主燕

盡愛也敬之愛之所以厚賢也無算樂燕樂亦無數或間

也無算樂或合盡歡而止也賓出奏咳咳夏也咳之

飲酒罷以咳為節明無失禮也主人送於門外再拜門東西面拜也賓

也周禮大司徒之職云以鄉三物教萬民而賓興之三物

者一曰六德知仁聖義忠和二曰六行孝鄭康成曰諸

侯之卿大夫正月吉日受法於司徒退而頒於鄉吏及

三年大比而興其賢者能者以賓禮禮之獻於王庭曰

鄉飲酒按鄉飲酒之禮其義有四此則賓賢能鄉飲酒

禮儀部

禮儀部

鄉飲酒

十者四豆八十者五豆九十者六豆所以明養老正齒  
 位此乃黨正飲酒亦謂之鄉飲酒又按州長春秋習射  
 於序先鄉飲酒之禮亦謂之鄉飲酒禮又有鄉大夫飲  
 國中賢者酒亦用鄉飲酒之禮故王制云習射尚功  
 習鄉尚齒並鄉射也鄉飲酒義曰主人拜迎賓於庠門之  
 外入三揖而後至階三讓而後升所以致尊讓也盥洗  
 揚觶所以致潔也拜至拜洗拜受拜送拜既所以致敬  
 也尊讓潔敬也者君子所以相接也君子尊讓則不爭  
 潔敬則不慢不慢不爭則遠於鬪辨矣不鬪辨則無暴  
 亂之禍矣斯君子之所以免于人禍也故聖人制之以  
 道鄉人士君子罇於房戶之間賓主共之共罇者人臣  
卑不尊大惠  
 故不別罇有元酒貴其質也教人不忘本也本古也古  
者無酒用

水而已 牲用狗烹於東方祖陽氣之發於東方也祖法也  
狗所以

養賓陽氣主養  
萬物狗擇主人 差出自東房主人共之也燕私可以自  
專也共音恭

洗當東榮主人之所以自潔而以事賓也水在洗東祖

天地之左海也賓主象天地也介僎象陰陽也三賓象

三光也讓之三也象月之三日成魄也四面之坐象四

時也陰陽助天地養成萬物三賓象天三光繫之於天  
也又曰介僎以象日月日出於東僎所在也月

生於西介所在也三光三大  
辰也天之政教出於大辰 天地嚴凝之氣始於西南

而盛於西北此天地之尊嚴氣也此天地之義氣也天

地温厚之氣始於東北而盛於東南此天地之盛德氣

也此天地之仁氣也主人尊賓故坐賓於西北而坐介

於西南以輔賓賓者接人以義者也故坐於西北言賓來以  
成主人之德也主人者接人以仁德厚者也故坐於東南而坐  
 俛於東北以輔主人也飲酒之節朝不廢朝暮不廢夕  
 賓出主人拜送節文終遂焉知其能安燕而不亂也朝  
朝暮聽事也不廢之者既朝乃飲先夕而罷其正也終遂猶充備也鄉飲之義君子所以  
 相接尊讓潔敬之道行焉是貴賤明隆殺辨和樂而不  
 流弟長而無遺安燕而不亂此五者足以正身安國矣  
 增周禮鄉大夫三年則大比考其德行道藝而興賢  
 者能者鄉老及鄉大夫以禮禮賓之注以鄉飲酒之禮  
 禮而賓之疏儀禮篇飲酒賓舉之法是也黨正以禮

屬民而飲酒于序以正齒位一命齒於鄉里再命齒於  
 父族三命而不齒注正齒位者鄉飲酒義所謂六十者  
 坐五十者立侍六十者三豆七十四豆八十五豆九十  
 六豆是也建亥之月必正之者為民三時務農將闕於  
 禮至農隙而教之尊長養老見孝悌之道也釋曰黨正  
 行正齒位之禮在建亥之月為之射儀孔子射於矍  
 相之圃注先行飲酒禮疏欲射之前先行鄉飲酒之禮  
 獻賓及介獻眾賓之後未旅之前作相為司正至於將  
 射轉司正為司馬以鄉飲酒禮差之射禮畢旅酬之時  
 乃使二人舉觶鄉射禮主人戒賓乃請不謀賓者時不獻賢能事

輕也無介雖先飲酒主於射也乃席賓南面東上不言于戶牖之間者

此射於序釋云射于序鄉飲酒在序以序無室序有室也秋官萍氏幾酒注苛察

沽買過多及非時者疏謂若酒誥惟祀茲酒及鄉飲酒是其時也

**原**漢永平二年郡縣行鄉飲酒於學校祀先聖先師周公孔子牲以犬

**增**伏湛傳湛雖在倉卒造次必於文德以為禮樂政化之首是歲奏行鄉飲酒

禮時建武五年也李忠守丹陽春秋鄉飲酒選用明經

以變越俗**原**晉武帝六年帝臨辟雍行鄉飲酒禮詔

曰禮儀之廢久矣乃復令講肄舊典賜太常絹百匹丞

博士及學生牛酒咸寧三年及惠帝元康九年復行其

禮**增**唐貞觀六年詔天下行鄉飲酒禮**原**又詔錄

鄉飲酒禮一卷頒天下每年令州縣長官親率長幼依

禮行之庶乎人知敬讓**增**禮樂志州貢明經秀才進

士孝悌旌表者行鄉飲酒之禮皆刺史為主人先召卿

致仕有德者謀之賢者為賓次為介次為眾賓與之行

禮季冬之月正齒位則縣令為主人鄉之老人年六十

以上有德望者一人為賓次為介為三賓為眾賓如鄉

飲酒禮開元十八年宣州刺史裴耀卿疏言臣在州

與百姓行禮奏樂歌至白華華黍由庚南陔等章言孝

子養親及羣物遂性之義或有泣者二十五年詔貢人

申送行鄉飲禮牲用少牢 選舉志鄉貢試已長吏以鄉飲酒禮會屬僚設賓主陳俎豆備管絃牲用少牢歌鹿鳴之詩因與耆艾序長少焉 韓琬傳舉茂才刺史行鄉飲餞之主人揚解曰孝於家忠於國今始充賦請行無算爵儒林榮之 淳化三年詔有司講求鄉飲酒故事命學士承旨蘇易簡等撰樂章三十四鹿鳴六南陔二嘉魚八崇丘二關雎十鵲巢六五月禮院詳定其儀後不果行 政和三年詔州郡鹿鳴宴改為鄉飲酒五年定貢士射儀紹興十三年禮部言比部郎林保奏修定鄉飲酒矩範儀制請編下郡國令取明州已行儀

制與林保所具規式參酌修具鏤板頒行奏可其禮有主賓僕介三賓有肅賓序賓祭酒主獻賓酬主人酬介介酬眾賓修爵無算沃洗揚觶拜送既及約束九事十七年國子監請令郡縣於科舉之年行於庠序二十六年詔行於里社者聽之 俱見玉海 明大誥云鄉飲酒禮叙長幼論賢良別奸頑異罪人其坐席間高年有德者居於上高年淳篤者並之以次序齒而列其有曾違條犯法之人列於外坐同類者成席不許干於良善之席主者若不分別致使貴賤混淆察知或坐中人發覺罪以違制奸頑不由其主紊亂正席全家移出化外 洪武

初詔中書省詳定鄉飲酒禮條式使民歲時燕會習禮  
讀律期於申明朝廷之法敦敘長幼之節 五年奏定  
鄉飲酒禮儀在內應天府及直隸府州縣每歲孟春孟  
冬有司與學官率士大夫之老者行於學校在外行省  
所屬府州縣亦皆取法於京師其民間里社以百家爲  
一會糧長或里長主之百人內以年最長者爲正賓餘  
以齒序坐每季行之於里中若讀律令則以刑部所編  
申明戒諭書兼讀之其武職衙門在內各衛親軍指揮  
使司及指揮使司凡鎮守官每月朔日亦以大都督府  
所編戒諭書率僚佐讀之 二十二年再定鄉飲酒禮

圖式凡良民中年高有德無公私過犯者自爲一席坐  
於上等有因戶役差稅遲悞及曾犯公杖私笞招犯在  
官者又爲一席序坐中門之外其曾犯奸盜詐僞說事  
過錢起滅詞訟蠹政害民排陷官長及一應笞杖徒流  
重罪者又爲一席序坐於東門之內執壺供事各用本  
等之家子弟務要分列三等坐次善惡不許混淆其所  
行儀注並依原頒定式如有不遵圖序坐及有過之人  
不行赴飲者以違制論 主府知府州知州縣知縣如  
無正官以佐貳官代位於東南 大賓以致仕官爲之  
位於東北 僎賓擇鄉里年高有德之人位於西北



介以次長位於西南 三賓以賓之次者為之位於賓  
主介俟之後 司正以教職為之主揚觶以罰 贊禮  
者以老成生員為之明俱會典

鄉飲酒二

**原**拜賜儀禮鄉飲酒禮主人戒賓賓拜賜 奏行後漢

尊賢尚齒禮鄉飲酒孔子曰吾觀於鄉而知王

少長以齒又賓酬主人主人酬介介酬

齊肺啐酒儀禮奠爵於薦

間歌合樂詳鄉 燕樂爵行詳鄉

食為行禮也

禮廢序失禮經解篇鄉飲酒之禮廢則長 十月斯饗

三命不齒亦不與之齒 明長幼之

序鄉飲酒之禮所以 別貴賤之義主人親速賓及介

增殺羔詩勿酒斯享曰殺羔羊

烹狗詳鄉 致潔致敬詳鄉 祭薦祭

象三光 象四時並詳 輔賓輔主詳鄉

立賓立主立賓以象天立主以象地設介俟以象日

尊長養老 正身安國並詳

在泮詩思樂泮水薄采其芣魯侯戾止在泮飲酒

臨雍晉武帝 人皆知勸唐李栖筠為常州刺史

禮儀部

人皆知勸時以為迂五代李愚為左僕射是時兵革方興天下多事請州縣貢士行鄉飲酒禮

潤以迂不用原既崇嘉事必慎令儀將休老以勞農

則合歡而序齒飲以序賓獻酬無失鄉惟尚齒

長幼有倫爵以上尊式遵用酒饗斯勿酒是法函

詩五十六分坐立之儀東北西南辨介僎之位

始出門以見賓再拜而進及至階而展禮三讓以

升

鄉飲酒三

**原賦**晉傅休奕鄉飲酒賦曰時皇帝親枉萬乘之尊號

以幸乎辟雍鹵簿齊列官正其容乃延卿士乃命王公

定小會之常儀兮饗殊俗而見遠邦揖讓而升有主有

賓禮雖舊制其教維新若其俎豆有數威儀翼翼賓主

百勿貴賤修敕酒清而不飲肴乾而不食及至嘒嘒笙

磬喤喤鐘鼓琴瑟安歌德音有敘樂而不淫好樸尚古

四坐先迷而後悟然後知禮教之弘普也

養老一

**增書**曰詢茲黃髮則罔所愆詩曰十月獲稻為此春

酒以介眉壽又曰肆筵設席授几有緝御或獻或酢

洗爵奠斝酌以大斗以祈黃耆禮王制云凡養老有

虞氏以燕禮夏后氏以饗禮殷人以食禮周人修而兼

用之五十養於鄉六十養於國七十養於學達於諸侯  
又有虞氏養國老於上庠養庶老於下庠夏后氏養  
國老於東序養庶老於西序殷人養國老於右學養庶  
老於左學周人養國老於東膠養庶老於虞庠虞庠在  
國之西郊有虞氏皇而祭深衣而養老夏后氏收而祭  
燕衣而養老殷人冔而祭縞衣而養老周人冕而祭元  
衣而養老凡三皇養老皆引年 正義皇氏云人君養  
老有四一養三老五更二子孫死難養其父祖三養致  
仕之老四養庶人之老 內則云凡養老五帝憲三王  
有乞言五帝憲養氣體而不乞言有善則記之為惇史

三王亦憲既養老而後乞言亦微其禮皆有惇史 夏  
官羅氏仲春羅春鳥獻鳩以養國老月令仲秋天子養  
衰老授几杖行糜粥飲食天官酒正饗耆老孤子皆共  
其酒無酌數凡有秩酒者以書契授之地官遺人門關  
之委積以養老孤司門以其財養死政之老與其孤槁  
人若饗耆老孤子士庶子共其食 禮運三公在朝三  
老在學 樂記食三老五更於太學天子袒而割牲執  
醬而饋執爵而酌冕而總干所以致諸侯之弟也 祭  
義貴老為其近於親也 虞夏殷周天下之盛王也未  
有遺年者年之貴乎天下久矣次乎事親也是故朝廷

同爵則尚齒七十杖於朝君問則席八十不俟朝君問則就之而弟達乎朝廷矣天子巡狩諸侯待於境天子先見百年者八十九十者東行西行者弗敢過西行東行者弗敢過欲言政者君就之可也一命齒於鄉里再命齒於族三命不齒族有七十者弗敢先七十者不有大故不入朝若有大故而入君必與之揖讓而後及爵者三禮義宗簡民中賢者及朝之致仕者養之若朝之賢者但養於大學不養於鄉若民中賢者則由鄉而進先養於鄉然後養於學凡一年之中養國者有四皆用天子視學之時一年之內視學有四故養老之法亦

有四皆用視學之明日春夏以饗禮為先秋冬以食禮為主文王世子天子視學大昕鼓徵所以警眾也眾至然後天子至乃命有司行事興秩節祭先聖先師焉有司卒事反命始之養也適東序釋奠於先老遂設三老五更羣老之席位焉適饌省醴養老之珍具遂發咏焉退修之以養孝也反登歌清廟既歌而語以成之也言父子君臣長幼之道合德音之致禮之大者也下管象舞大武大合眾以事達有神興有德也正君臣之位貴賤之等焉而上下之義行矣有司告以樂闋王乃命公侯伯子男及羣吏曰反養老幼於東序終之以仁也

周語班序顛毛以為紀統 漢文帝元年詔曰老者非帛不暖非肉不飽今聞吏稟當受鬻者或以陳粟豈稱養老之意哉具為令有司請令縣道年八十以上賜米人月一石肉二十斤酒五斗其九十已上賜帛人二匹絮三斤賜物及當稟鬻米者長吏閱視丞若尉致不滿九十令史嗇夫致二千石遣都吏循行不稱者督之有罪耐以上不用此令 武帝建元元年八十復二算九十復甲卒四月詔民九十以上已有受鬻法為復子若孫遂其供養 元和二年賜天下高年爵三級 明帝永平二年幸辟雍初行養老禮詔曰間者暮春吉辰

初行大射今月元日復踐辟雍尊事三老兄事五更安車輶輪供綏執授侯王設醬公卿饌珍朕親袒割執爵而醕祝哽在前祝噎在後升歌鹿鳴下管新宮八佾具修萬舞於庭三老李躬年耆學明五更桓榮授朕尚書其賜榮爵關內侯賜天下三老酒人一石肉十斤有司其存耆耄恤幼孤稱朕意焉 章帝章和元年詔令養衰老授几杖行糜粥飲食其賜高年二人共布帛各一匹以為醴酪 安帝元初四年詔曰月令仲秋養老授几杖行糜粥方今按比之時郡縣多不奉行甚違詔書養老之意 安帝以魯丕為三老又以李充為三老

楊統位至光祿大夫爲國三老 靈帝以袁逢爲三老  
賜以玉杖 譙周曰漢中興定禮儀羣臣欲令三老答  
拜城門校尉董鈞駁曰養三老所以教事父之道也若  
答拜是使天下答子拜也詔從鈞議虞喜曰據漢儀於  
門屏交禮交禮即答拜中興謬從鈞議後革之深得其  
意 魏高貴鄉公甘露二年天子親帥羣司行養老之  
禮於太學命王祥爲三老鄭小同爲五更祥南面几杖  
以師道自居天子北面乞言祥陳明王聖帝君臣政化  
之要以訓之聞者莫不砥礪 後魏孝文帝太和十六  
年詔以前司徒尉元爲三老前大鴻臚卿游明根爲五

更於明堂設國老位庶老位於階下皇帝再拜三老親  
袒割牲執醬而饋執爵而酌於五更行肅拜之禮賜國  
老庶老衣服有差旣而三老言曰自古人所崇莫重於  
孝順然五孝六順天下之所先願陛下重之以化四方  
帝曰孝順之道天地之經今承三老明言銘之朕懷五  
更言曰夫至孝通靈至順感幽故孝經云孝弟之至通  
於神明光於四海願陛下念之以濟黎庶帝曰五更助  
三老以言至範敷展德音當克已復禮以行乃賜步輓  
一乘詔曰三老可給上公之祿五更可食九御之俸供  
養之味亦同其例 北齊制仲春令辰陳養老禮先一

日三老五更齋於國學皇帝進賢冠元紗袍至辟雍大  
總章堂列宮懸王公以下及國老庶老各定位司徒以  
安車迎三老五更於國學並進賢冠元服黑烏素帶國  
子生黑介幘青衿單衣乘馬從以至皇帝釋劔執珽迎  
於門內三老至門五更去門十步皆降車以入皇帝拜  
三老五更攝齊答拜皇帝揖進三老在前五更在後升  
自右階就筵三老坐五更立皇帝升堂北面公卿升自  
左階北面三公授几杖卿正履國老庶老各就位皇帝  
拜三老羣臣皆拜不拜五更乃坐帝西向肅拜五更進  
珍羞食親袒割牲執醬以饋執爵而酌以次進五更又

設酒醴於國老庶老皇帝升御座三老乃論五孝六順  
典訓大綱皇帝虛躬請授禮畢而還又都下及外州人  
年七十以上賜鳩杖黃帽後周武帝保定三年詔以  
于謹爲三老賜延年杖皇帝幸太學以食之三老入門  
皇帝迎拜門屏之間三老答拜設三老席於中楹南面  
太師晉國公宇文護升階設几於席三老升席南面憑  
几而坐大司寇楚國公豆盧寧升階正烏皇帝升立於  
斧扆之前西向有司進饌皇帝跪受醬豆親袒割牲三  
老食訖皇帝又親跪授爵以酌徹去皇帝北面立訪道  
三老乃起立於席後皇帝曰猥當天下重任自惟不才

不知政理之要公其誨之三老答曰木從繩則正后從  
諫則聖自古明王聖主皆虚心納諫以知得失天下乃  
安惟陛下念之又曰為國之本存乎忠信是以古人云  
去食去兵信不可失國家興廢在於賞罰若有功必賞  
有罪必罰則為善者日益為惡者日止若有功不賞有  
罪不罰則天下善惡不分下人無所措手足又曰言行  
者立身之本言出行隨誠宜相顧陛下三思而言九慮  
而行若不思不慮必有過失天子之過事無大小如日  
月之蝕莫不知者願陛下慎之三老言畢皇帝拜受之  
三老答拜禮成而出 唐制仲秋吉辰皇帝親養三老

五更於太學所司先奏定三師三公致仕者用其德行  
及年高者一人為三老次一人為五更設三老座於西  
楹之東近北南面設五更座於西階上東向設國老三  
人座於三老座西俱不屬焉設眾國老座于堂下西階  
之西東面北上 貞觀十五年宴從官及山東宗姓洛  
陽高年於貞觀殿奏九部樂賜帛十六年幸慶善宮召  
武功之郃城立節三時豐義四鄉士女七十以上及居  
宮側數百人賜宴父老爭上壽賜帛有差十八年宴雍  
州父老千一百人於上林苑賜百歲以上羶被袍各一  
開元二年宴京師耆老于含元殿賜九十以上几杖



八十以上鳩杖婦人亦如之賜於其家 天寶八載閏  
六月制其天下百姓丈夫七十五以上婦人七十以上  
宜各給中男一人充侍仍任自簡擇至八十以上依常  
式處分餘並如開元禮 高宗顯慶二年幸洛陽賜百  
歲以上羶衾粟帛四年賜民八十以上羶衾粟帛五年  
皇后賜婦人八十以上羶衾粟帛 明洪武元年令民  
年七十以上者許一丁侍養免其差役 十九年令所  
在有司審耆民年八十九十鄰里稱善者備其年甲行  
實具狀奏聞貧無產業者八十以上每人月給米五斗  
肉五斤酒三斗九十以上歲加給帛一疋絮五斤其有

田產僅足自贍者所給酒肉絮帛亦如之其應天鳳陽  
二府富民八十以上賜爵里士九十以上賜爵社士皆  
與縣官平禮 尚書大傳齊宣王問於子春曰寡人欲  
行孝弟之義爲之有道乎子春曰昔者衛聞之樂正子  
曰文王之治岐也五十者治於家六十者治於鄉七十  
者杖於國見君揖杖八十者杖於朝見君揖杖君曰趨  
見客無俟朝以朝乘車輶輪御爲僕送至於家而孝弟  
之義達於諸侯九十杖而朝見君建杖君曰趨見毋俟  
朝以朝車送之舍卜筮巫醫御于前祝噎祝哽以食乘  
車輶輪胥與就膳徹送至於家君如有欲問明日就其

室以珍從而孝弟之義達於四海此文王之治岐也君如欲行孝弟之大義盍反文王之治岐 陳祥道曰古者建國必立三卿鄉飲酒必立三賓而養老必立三老禮曰三公在朝三老在學三公非一人則三老五更亦非一人矣鄭康成曰三老五更各一人皆年老更事致仕者名以三五者取象三辰五星 玉海循省風俗則先問高年時臨舊都乃宴衍故老或賜飲於端闕或迴輿於私室而又因靈休之集畢嘉祀之禮則錫之鳩杖賁之束帛登版授之秩開石窳之封斯教化之大本盛王之令典也

養老二

**原養鄉** 養學 養上庠 養右學 並詳一 月告存 禮記

曰八十月告存鄭注云每月致膳 日有秩 注又曰九十日有秩鄭注云秩常也有常膳 不

俟朝 問就室 燕禮饗禮 深衣燕衣 俱詳養一 東

序西序 詳養一 貴德尚齒 祭義 先見百年 詳養一 存賞

白首 尚書中候 以介眉壽 以介景福 詩 羅鳥助生氣

周禮羅氏中春羅春鳥獻鳩以養國老注云春鳥蟄而始出者是時鷹化為鳩鳩與春鳥變舊為新宜以助養

氣 飾鳩賜玉杖 漢書禮儀志云仲秋之月縣道皆案戶比民年始七十者授之以玉杖

杖舖之糜鬻八十九十禮有加賜玉杖長九尺 設羣

老之席 禮記 養賢臣之老 周禮太宰之職以馭其福鄭

禮儀部 養老

注云生猶養也賢臣之老者王有以養之成王封伯禽於魯曰生以養周公死以為周公後是也致

孝教悌祝噎乞言並詳養序顛毛國語詢黃

髮書並詳共函杖伊耆氏共王之齒杖大祭授秩

酒詳養饋七十公鮑宋饑年七設五更詳養

適饌省醴謂躬省視之肆筵授几詩肆筵設席授

御者侍御者父事兄事五豆六豆五帝養體

三王乞言並詳秋授几杖月秋食耆老春享孤子

老杖賜孔光漢賜孔光言乞伏恭詳養歸乎西

伯伯夷太公聞西伯善養於辟雍漢禮樂志顯宗祀

更於合樂養老記曰大合樂春秋釋奠也燕毛序齒

燕毛所以拜桓榮為五更後漢命王祥為三老晉

並詳教將行於邦國悌先達於庠序幸逢尚齒

之朝宜守燕毛之禮用虞之典既展禮於上庠

從周之文乃乞言於東序

淵鑑類函卷一百六十一

禮記類考卷一百六十一

禮記類考卷一百六十二

禮記類考卷一百六十二

禮記類考卷一百六十二

禮記類考卷一百六十二

淵鑑類函卷一百六十二

禮儀部九 祭祀總載

祭祀總載一

**增**周易曰風行水上渙先王以享於帝立廟 **原**尚書

大傳曰祭之為言察也察者至也言人事至於神也

爾雅曰春祭曰祠祠之言食也夏祭曰禘新菜可灼秋

祭曰嘗嘗新穀也冬祭曰烝烝進也進品物祭天曰燔

柴既祭積薪焚之祭地曰瘞埋既祭埋藏之祭山曰廋

軌音懸或廋或懸置之於山祭水曰沈浮投祭水中或浮

或沈祭星曰布布散於地祭風曰磔今俗當大道中磔

狗云以止風此其遺也是類是禡莫駕反出詩雅師祭也類于

上帝禡于所征之地既伯既禱馬祭也伯馬祖也將用

馬力必先祭其祖也 **增**又曰禘大祭也繹又祭也周

曰繹商曰彤夏曰復昨 **原**說文曰除惡之祭曰祓會

福之祭曰禴會告事求福曰禱道上之祭曰禘陽潔意

以享曰禋以事類祭神曰禴祭司命曰祉俾利切祭豕先

曰禮似勞切月祭曰粹子內切 **增**尚書曰肆類于上帝禮

于六宗一四時二日三月四星五寒暑六水旱望于山川徧于羣神 又

曰咨四岳有能典朕三禮天神地祇人鬼之禮僉曰伯夷帝曰俞

咨伯汝作秩宗夙夜惟寅直哉惟清 **原**又曰自成湯

至于帝乙罔不明德卹祀孔安國傳云自帝乙以上無

不顯用有德憂念齋敬奉其祭祀言能保其宗廟社稷

也 **增**又曰八政三曰祀孔安國傳云祀者所以昭孝

事祖通乎神明者也 又曰王肇稱殷禮祀于新邑咸

秩無文孔安國傳云以祀典祀于新邑皆次秩不在禮

文者而祀之 又曰宗伯掌邦禮治神人天神地祇人鬼和上

下 周禮曰天官冢宰以八則治都鄙一曰祭祀以馭

其神以九式均節財用一曰祭祀之式 **原**又曰凡庶

人不畜者祭無牲不耕者祭無盛 又曰太宗伯之職

掌以吉禮事邦國之鬼神示以禋祀祀昊天上帝以實

禮儀部 附錄類書卷一百六十二 祭祀總載 二

柴祀日月星辰以禋燎祀司中司命飗師兩師以血祭  
祭社稷五祀五嶽以貍沈祭山林川澤以鬯辜祭四方  
百物 又曰凡祭祀賓客之裸事和鬱鬯以實爨而陳  
之鄭注曰築鬱金煮之和鬯酒也鬱爲草若蘭 又曰  
凡陽祀用騂牲毛之陰祀用黝牲毛之鄭注云騂牲色  
赤毛之取純毛也陽祀祭天於南郊及宗廟陰祀祭地  
於北郊及社稷也黝讀爲幽黑也 又曰取蕭祭脂取  
羝以軼鄭箋云言后稷卽爲郊祀之酒及其米取蕭草  
與祭牲之脂熬之於行神之位馨香旣聞取羝羊之體  
以祭神也 又曰以享以祀以介景福 禮檀弓曰朝

奠日出夕奠逮日注云陰陽交接庶幾遇之 又禮器  
曰室事交乎戶堂事交乎階注室事謂正祭之時事尸  
在室故云室事交乎戶外人將饌至戶內人於戶受饌  
設於尸前相交承接在於戶也堂事交乎階者謂正祭  
之後僮尸之時尸於堂故曰堂事交乎階謂堂下之人  
送饌至階堂上之人在階受取是交乎階也 又郊特  
牲曰縮酌用茅明酌也鄭注云謂泔醴齊以明酌也明  
酌者事酒之上也名曰明者事酒今之醪酒皆新成也  
又王制曰祭豐年不奢凶年不儉 又祭義曰祭不  
欲數數則煩煩則不敬祭不欲疏疏則怠怠則忘是故

君子合諸天道春禘秋嘗樂以迎來哀以送往月令  
 曰孟春之月其祀戶祭先脾孟夏之月其祀竈祭先肺  
 中央土其祀中霤祭先心孟秋之月其祀門祭先肝孟  
 冬之月其祀行祭先腎 曲禮曰天子祭天地祭四方  
 祭山川祭五祀歲徧諸侯方祀祭山川祭五祀歲徧大  
 夫祭五祀歲徧士祭其先 祭四方謂祭五官之神於四  
 郊也勾芒在東祝融后土在  
 南蓐收在西  
 元冥在北 又祭法王立七祀曰司命曰中霤曰國  
 門曰國行曰泰厲曰戶曰竈諸侯五祀曰司命曰中霤  
 曰國門曰國行曰公厲大夫三祀曰族厲曰門曰行士  
 二祀曰門曰行庶人一祀或立戶或立竈 又曰聖人

之制祭祀也法施於民則祀之以死勤事則祀之以勞  
 定國則祀之能禦大災則祀之能捍大患則祀之及夫  
 日月星辰民所瞻仰也山林川谷丘陵民所取材用也  
 非此族也不在祀典 **增**又曰燔柴於泰壇祭天也瘞  
 埋於泰折祭地也用騂犢埋少牢於泰昭祭時也相近  
 於坎壇祭寒暑也王宮祭日也夜明祭月也幽宗祭星  
 也雩宗祭水旱也四坎壇祭四方也 **原**左傳曰祀有  
 執燔戎有受脰注云燔祭肉以賜諸侯者也 **增**又曰  
 夫民神之主也是以聖王先成民而後致力於神故奉  
 牲以告曰博碩肥腍謂民力之普存也謂其畜之碩大

繁滋也謂其不疾瘕蠱也謂其備腊咸有也奉盛以告  
曰潔粢豐盛謂其三時不害而民和年豐也奉酒醴以  
告曰嘉栗旨酒謂其上下皆有嘉德而無違心也所謂  
馨香無讒慝也故務其三時脩其五教親其九族以致  
其禋祀於是乎民和而神降之福 國語曰夫神以精  
明臨民者也故求備物不求豐大是故先王之祀也以  
一純二精三牲四時五色六律七事八種九祭十日十  
二辰以致之百姓千品萬官億醜兆民經入畎數以奉  
之明德以昭之龡聲以聽之以告徧至則無不受休  
又曰祀所以昭孝息民撫國家定百姓也天子徧祀羣

神品物諸侯祀天地三辰及其土之山川卿大夫祀其

禮禮謂五祀及祖所自出也士庶人不過其祖 **原**穀梁傳曰祭者

薦其時也薦其敬也薦其義也非享味也 家語曰魯

公索氏將祭而亡其下牲孔子聞之曰公索氏不及二

年必亡矣後一年而亡 孔叢子曰元和二年春孝章

皇帝東巡狩還魯幸闕里以太牢祀孔子及七十弟子

作六代之樂大會孔氏男子二十以上者六十三人講

論經義 **增**漢舊儀曰先王之法追祭天地日月星辰

山川萬神皆古之人也能紀天地五行二氣奉其功以

成人者也故其奉祀皆以人事之禮食之所食也非祭



食與土地金木水火石也又祭三皇五帝九皇六十四氏皆古帝王凡八十一姓原王充論衡凡祭祀之義有二一曰報功二曰脩先報功以勉力脩先以崇恩也桓譚新論曰昔楚靈王驕逸輕下簡賢務鬼信巫祝之道齋戒潔鮮以祀上帝羣神躬執羽帔起舞壇前吳人來攻其國人告急而靈王鼓舞自若顧應之曰寡人方祭上帝樂明神當蒙福佑焉不敢赴救而吳兵遂至俘獲其太子及后姬以下越絕書曰越王既往平吳春祭三江秋祭五湖因以其時爲之立祠垂之末世傳之萬載漢書武帝紀曰太初元年十二月帝東臨渤海

海望祀蓬萊又郊祀志曰祀八神一曰天主祠天齊二曰地主祠太山梁父三曰兵主祠蚩尤四曰陰主祠三山五曰陽主祠之梁六曰月主祠之萊山七曰日主祠盛山八曰四時主祠琅邪皆各用牢具祠而巫祝所損益圭幣雜異焉幽明錄曰廟方四丈不作墉壁道廣五尺夾樹蘭香齋者煮以沐浴然後親祭所謂沐蘭湯增唐六典曰禮部尚書侍郎之職掌天下禮儀祠祭又曰禮部郎中掌五禮之儀一曰吉禮其儀五十有五自冬至祀圜丘至王公以下拜掃止又曰祠部掌祠祀享祭之事凡祭祀之名有四一曰祀天神二曰祭地祇三曰享人

鬼四曰釋奠於先聖先師其差有三若昊天上帝五方  
 帝皇地祇神州宗廟為大祀日月星辰社稷先代帝王  
 岳鎮海瀆帝社先蠶孔宣父齊太公諸太子廟為中祀  
 司中司命風師雨師眾星山林川澤五龍祠等及州縣  
 社稷釋奠為小祀 玉海曰唐舊制每歲大中小祀凡  
 七十九祭四十五祭皆定日著於祀典三十四祭不定  
 日辰大卜擇日正月十二祭自祈穀圜丘至九宮貴神二月十祭自  
 奠文宣王至惠昭太子廟四月十祭自祀赤帝至五月四祭自皇地  
 廟子六月四祭自祀黃帝七月八祭自祭白帝八月七祭自祀黑帝至  
 自釋奠至太子廟九月二祭饗明堂十月十祭自祀黑帝至  
 告憲宗

一月六祭自祀天圜丘十二月六祭自蜡祭至 玉海

曰唐志五禮一曰吉禮天子親祠者二十有四三歲一

裕五歲一禘當其歲則舉其餘二十有二一歲之間不

能遍舉則有司攝事其非常祀者有時而行之皇后太

子歲行事者各一餘皆有司行事凡歲之常祀二十有

二冬至祈穀至享先農大祀中祀無常日者卜小祀則

筮皆於太廟 會要曰天寶三載置九宮壇東南曰招

軒轅東北曰太陰正南曰太一中中央曰天符正北  
 曰太乙西南曰攝提正西曰咸池西北曰青龍 又

詔曰漢禱八神晉祠六宗惟九宮神實司水旱 玉海  
 曰王瑱傳元宗廣脩祠祭瑒請築壇東郊祀青帝肅宗

乾元二年入相乃奏置太一壇勸帝身見九宮祠又紀  
天寶三載祠九宮貴神於東郊 白帖曰白居易議祭  
祀之義大率有三禋於天地所以示人報本也祠於聖  
賢所以訓人崇德也享於祖考所以教人追孝也三者  
行於天下則萬人順百神和此先王所以重祭祀也  
宋史禮志曰五禮之序以吉禮為首主邦國神祇祭祀  
之事凡祀典皆領於太常歲之大祀三十中祀九小祀  
九後增大祀為四十二焉其後神宗改定通舊祀凡九  
十二 元豐中詳定祭祀總百九十一卷曰祀儀曰南  
郊式曰大禮式曰郊廟奉祀禮文曰明堂祫享令式曰

大興殿儀曰四孟朝獻儀曰景靈宮供奉勅令格式曰  
儀禮勅令格式祈禳總四十卷曰祀賽式曰齋醮式曰  
金錄儀 典禮脩於元豐而成於元祐至崇寧復有所  
增損其存於有司者惟元豐郊廟禮文及政和五禮新  
儀而已乃若園丘之罷合祭天地明堂崑以英宗配悉  
罷從祀羣臣大蜡分四郊壽星改祀老人僖祖已祧而  
復遂為始祖即景靈宮建諸神御殿以四孟薦享虛禘  
祭去牙槃食此熙寧元豐變禮之最大者也 建炎中  
命禮部太常裁定每歲以立春上辛祈穀孟夏雩祀季  
冬及冬至日四祀天夏至日一祀地立春上辛日祀感

生帝立冬後祀神州地祇春秋二社及臘前一日祭大

社大稷 玉海曰中興祀典冬至園丘夏至皇地祇太祖

配孟春祈穀孟夏雩祀神州地祇並太季秋明堂淳熙

年改高感生帝僖祖配已上高禘青帝配以朝日大

月夜九宮貴人熒惑商丘宣大社大稷土正出火納火

祀大辰宣明蜡祭東蜡大明配以神農后稷西蜡夜明

配五方岳瀆無四海四瀆無風雨雷師無先農神農

配先蠶無至聖文宣王充鄒昭烈武成王留侯等十三

祭皆為中祀二十七年五月辛卯臣僚建請復為大祀  
遼史曰唐十二和樂遼初用之豫和祀天神順和祭

地祇永和享宗廟肅和登歌奠玉帛雍和入俎接神壽

和酌獻飲神餘別儀衛志遼國以祭山為大禮服飾尤

盛大祀皇帝服金文金冠白綾袍紅帶懸魚三山紅垂

袍皇后戴紅帕絡縫紅袍懸天贊三年八月乙酉至烏

孤山以鷺祭天甲午次古單于國祭阿里典歷得斯山

以鹿兔祭九月庚子拜日於蹕林是月破胡母思山諸

蕃部次業得思以赤牛青馬祭天地 續文獻通考曰

金章宗太和元年勅改原廟春秋祭祀稱朝獻 金史

志曰常以冬至日合祀昊天上帝皇地祇於園丘夏至

日祭皇地祇於方丘春分朝日於東郊秋分夕月於西

郊 元史志曰祭祀之儀天子親遣使致祭者三曰社  
稷曰先農曰宣聖而岳鎮海瀆使者奉璽書即其處行  
事稱代 其有司常祠者五曰社稷曰宣聖曰三皇曰  
岳鎮海瀆曰風師雨師其非通祀者五曰武成王曰古  
帝王廟曰周公廟曰名山大川忠臣義士之祠曰功臣  
之祠 元文類禮典世祖立國建元考古昔之制而製  
服焉冕舄之制祭祀則用之 圖書編高皇帝御製合  
祭天地樂章 大明會典祠祭清吏司郎中員外郎主  
事分掌郊廟羣祀之典 祭祀通例國初以郊廟社稷  
先農俱為大祀後改先農及山川帝王孔子旗纛為中

祀諸神為小祀嘉靖中以朝日夕月天神地祇為中祀  
凡郊廟社稷山川諸神俱天子親祠國有大事則遣官  
祭告若先農旗纛五祀城隍京倉馬祖先賢功臣皆遣  
官致祭惟帝王陵寢及孔子廟則傳制特遣各王國及  
有司俱有祀典而王府祀典具在儀司洪武初天下郡  
縣皆祭三皇後罷止令有司各立壇廟祭社稷風雷雲  
雨山川城隍孔子旗纛及厲庶人祭里社鄉屬及祖父  
母父母并得祀竈餘俱禁止 又儀制司王國祀典洪  
武六年定王國宮城外立宗廟社稷等壇又定凡祭五  
祀 八編類纂國朝既於方丘以岳鎮海瀆天下山川

從祀復於春秋清明霜降日遣官專祭岳鎮海瀆天下山川於國城之南而以京師及天下城隍附祭焉若夫山川之在王國城隍之在郡縣者則自以時致祭八編類纂城隍自三國以來因事而祭其立祠則見於唐李德裕之在成都宋以來天下通祀洪武元年令郡縣各立山川壇制與社稷同

### 祭祀總載二

**原薦敬** 報功 百辟自御以下 許慎五經異義公侯祭

先有功德於人 駢牡 黝牲 牡享于祖考 清酒從以駢

一祀 七祀 五祭 有上詳祭祀一 祖宗報此五者禮之大

節也 報德 崇恩 並詳祭 鬱酒 蘭湯 並詳祭 六

變 九成 周禮司樂孤竹之管雲和之琴瑟雲門之舞

神皆降可得而禮矣 尚 禮地 賓河 周禮以玉作

地四方以蒼璧禮天以黃琮禮地以青珪禮東方以赤

璋禮南方以白琥禮西方以元璜禮北方 彩壇 紺席 上詳祭祀一

后荒壬申即位元年以元魚 彩壇 紺席 上詳祭祀一

壁賓於河狩於海獲大魚 祭天紫壇幄 宜社 類帝

帝自行羣臣從齋皆百日祭天紫壇幄 宜社 類帝

禮記天子將出征宜於社鄭元注 三望 六宗 左傳

三十一祭名也 尚書肆類于上帝 受釐 致福 漢書賈誼

禮儀部 增 六成 樂皆六成祭皇地祇神州社稷之樂皆八成

享宗廟之樂九成其  
三祀唐六典廩儀令凡三  
假

寧唐六典吏部郎中內外官吏有假寧之日  
礫雄唐六季

冬大節私家附廟給假二日四時祭各四日  
礫雄唐六季

宮門及城之四門以祭焉  
七獻禮器一獻質三

神九奠文獻通考九獻樂有九奏也  
用日禮郊特牲

志元興朝漢代有拜天之禮助祭尚  
用日禮郊特牲

日祭器尚純帝后親之宗戚錄季冬藏仲  
燎壇古者

始也冰室春開並黑牡祀黍祭於冰室  
燎壇古者

祀天地日月神示四立祭宗志以立春祭戶司命立夏  
皆祭門及厲行四郊分四郊以祭而墓非祭所也凡

秋祭司命及厲行四郊分四郊以祭而墓非祭所也凡  
冬祭司命及厲行四郊分四郊以祭而墓非祭所也凡

有國有家者必有寢有廟所以祭而歸必奉諸其廟  
廟者必有主之始立也三祭義魏秦靜議風伯雨

歲時祀之曰是六神月令廣義魏秦靜議風伯雨  
神明之所依也

祀鼎宋志崇寧中以每歲祀  
祭旗遼聖宗紀六年九

禊祭南齊志三月巡祭宋志帝之巡祭也往還  
水會禊祭也

解凍太平御覽漢舊儀十月  
祭薦月令廣義何休云有

廣義臘取禽獸以祭腰  
祭薦月令廣義何休云有

祭虎太平御覽魏志歲南國常用十月祭虎以為神  
祭蝗

文獻通考宋太祖建隆二年懷濮  
祭酒漢宣帝以蘇

曹絳等州蝗命長吏以牢禮祭之  
祭酒武著節老臣

令朝朔望號稱祭酒注祭祀時惟尊長者以酒沃  
祭

詩月令廣義賈島歲除取吾精神以此補之  
祭

祭禮志曰酒脯祭之曰勞吾精神以此補之  
祭

禮儀部  
祭地及社稷山岳則瘞之海瀆則沉之  
實簋簋唐六

官令凡祭之日進饌者奉制書柳宗元監祭使壁記

實簋簠設於饌幕之內奉制書元史禮樂志其於祭率用

日吏部上其官用雅樂雅樂朝會燕饗則用燕樂

奉制書以來告用雅樂元史禮樂志其於祭率用

祠睢上彙苑詳註漢武帝元符祀汾陰承重熙之

後契丹通好天下無事祠黃河遼史穆宗紀十年

於封泰山祀汾陰祠黃河遼史穆宗紀十年

及潢祀黑山脯遼史穆宗紀十年

以冬至越祀直沽大明會典嘉靖三十九年景王之

緋祀方明祀直沽大明會典嘉靖三十九年景王之

孤之神楊子江之神小原以享以祀是類是禡並詳

一增齋有七名唐六典齋有七名一曰金錄大齋二

五曰八節齋六曰塗禳復三事唐六典禳復三事

炭齋七曰自然齋禳復三事唐六典禳復三事

沙理八署分理署分而理焉一郊社二太廟三諸陵四

太樂五鼓吹六太醫七太卜八廩犧四院分貯器服有太常卿凡備大享之

而分貯焉一天府二御衣院三樂縣院四神廚院尚赤尚彩之飾六典凡樂器

尚赤宗廟及用石用玉唐六典凡磬天地之神祭

殿廷尚彩用石用玉唐六典凡磬天地之神祭

酒御容日續文獻通考遼聖宗統和四年十一月飲酎

宗廟祭太平御覽漢舊儀宗廟八月飲酎用九太牢元年

帝自行他大祠中祠南部新書貞元中太常奏每

祠不出山堂肆考宋太祖於歷代帝王制為五權

五等三等唐六典漢書太僕秦官晉成帝省併宗正宋

置太僕因晉不置如祀則權置太僕執轡事畢省

時登王府柳宗元監察使壁記居常則飭上宰嚴祀

孔帖韓愈詩上宰嚴太祝正辭孔帖李白賦享於神

禮儀部 祭禮總載



誠 淳熙祭式 玉海淳熙編類祭祀儀式一卷淳熙六年禮部編定又一卷載州縣釋奠祈報

社稷祀風雷雨師 崇寧祀儀 熙寧十年正月庚申太

制度六年所頒 復命編脩元祐書成崇寧重加討論名崇寧祀儀

進祀禮圖 八編類纂世宗肇舉禮祀大典輔臣因進祀

次列儀注樂章之繁 正祀典疏 倪岳在禮部上正祀

疏 祀辰戌月 宋志紹興三年復大火祀 祠戌丑地

山堂肆考郊祀志以丙戌日出納之月祀之 前期十日 宋史

於戌地以巳丑日祠兩師於丑地 祠燕支山 楊炎大

親祀方澤作明堂立九廟祀熒惑大 距封十里 玉海

觀受八寶大祀皆前期十日而戒 祠燕支山 燕支山神

黃帝問伯高對曰山見其榮者 祠燕支山 楊炎大

封而祭之距封十里為一壇 祠燕支山 燕支山神

寧濟公祠堂碑西北之巨鎮曰燕支維唐之三十載封

禪為寧濟公築靈祠於高麓之陽每歲盛秋率封內以

望之索羣 祠粉榆社 後漢紀章帝元和元年八月已

神以合之 習儀青城 宋志南郊習儀於尚書省 揭燈黃峴 宋志真

泰山自太平頂黃天門黃峴嶺岱岳 太常為亞獻 唐

典各豎長竿揭龍燈下照以相參候 光祿為終獻

禮則贊相禮儀有司攝事則為之亞獻 又曰凡國有大

又曰光祿卿君三公 太祝奉巾帨 祀盟則奉匭既盥

攝祭則為之終獻 大樂調鐘律 前見 令郡王攝事 文獻通考開元

則奉 五享於宗子及嗣郡王中揀有德望者 以御史監祠

令攝三公行事其異姓官更不差攝 敬者漢以侍御史監祠大祠中祠以御史監祀曰監祭

使寶元中更號 王涇郊祀錄 唐志貞元中太常禮院 祠祭使俄復初 彦博明堂記 宋志

廟沿革之制及其工歌祝號而圖 祭禮儀部 禮儀部 祭禮儀部

中文彥博進大享 明堂藉田 禋享謝式 玉海熙寧七年七月乙巳

明堂記三十卷 謝式今止脩明堂禋享二禮從之 慶曆熙寧元祐

祀儀 慶曆四年正月辛卯太常禮院上新脩 脩祀於

太廟西門之內 卜日於太廟南門之外

祭祀總載三

原教敬 以周禮大司徒職一曰 致嚴 鄭注齋戒沐浴明

發不 奉禮 祭統祭者非物自外至者也自中出生於

祭之 致誠 又云賢者之祭也致其誠信與其忠敬奉

薦之而已矣不求其 從約 盧湛云凡臨祭坐以蒲薦

為此孝子之心也 得宜 禮稽命徵天子祭天地宗廟六宗五岳 受福

祭統賢者之祭也必受其福非世所為福也福者備也 備者百順之名也無所不順者之謂備言內盡於已而 外順於道也忠臣以事其君孝子以事其親顯其名也 一也鄭注曰賢者之所謂福者受大順之顯名也 敬 禮少儀賓客主 知孝 樂記武王克殷祀乎明堂而 明堂 觀敬 祭統孝子之事親也有三道焉生則養沒 也 衰也 祭則觀其敬而時也 三重 又祭有三重獻之屬 盡此三道者孝子之行也 十倫 又祭有三重獻之屬 升歌舞莫重於武宿夜此周 十倫 又祭有三重獻之屬 道也鄭注武宿夜舞曲名也 沈璧 尚書中候湯降三分璧沈 君臣之義焉見父之倫焉見夫之倫焉見政事之均焉見 殺焉見爵賞之施焉見夫婦之別焉見政事之均焉見 長幼之序焉見上下 沈璧 尚書中候湯降三分璧沈 之際焉此之謂十倫 湛玉 漢武帝瓠子歌河蕩蕩兮激滌浹 於洛也 執麾 唐六典協律郎若大祭祀 伯許兮 增設版 前見 執麾 奏樂於庭則升堂執麾以 薪不屬 禮儀部

禮儀部 增設版 前見 執麾 奏樂於庭則升堂執麾以

為之節制舉麾鼓祝而後  
樂作偃麾戛故而後止  
黍仲春啟  
冰亦如之  
青牛  
白馬  
祭天地  
飲於野  
次終夕  
乃罷  
青牛

明衣  
宋志中祀以  
看器  
舊禮郊廟尊壘數皆準古  
而實三酒五齋明水明  
三飯  
淮南子三時故祭三月而

禮以為  
多俎  
中分之右辨上  
帝左辨上  
后組餘委置積

於前殿千斤  
臘鼓  
祀俗云臘鼓鳴春俗以臘日家家祭

細腰  
節堂  
戴植鼠璞唐節度使賜雙旌節行則建

私室號節門  
節堂  
朔望次日祭之  
公宇  
觚  
陛  
宋志奉裡歌皇

外賓  
牢蔬  
高俎新祭牢蔬  
堂  
鋪管  
宋志奉裡歌  
釀

酒  
月令廣義十月上辛命典  
搏黍  
宋志親祀飲福酒

黍之說命大官令取黍於簋搏以授  
禮料  
宋志每祠

祝之說命大官以獻於皇帝而無嘏辭  
禮料  
宋志每祠

官緘署禮  
酒分  
宋志慶曆元年判太常寺呂公綽言

二升小祠位一升止一尊酌獻一尊  
捧玉  
振金  
帖

飲福宜詔酒官依法制齊酒分實之  
捧玉  
振金  
帖

李德裕上尊號文而六變魄寶炤臨  
原教之本  
禮子之

靈來格振金石而六變魄寶炤臨  
原教之本  
禮子之

其是與故曰祭者教之本也  
仁之至  
又云祭仁之

事神示  
鄭注云事謂祀之職以吉禮事邦國之鬼神示

正齒位  
又党正職各掌其黨之政令教治及四時之孟

亦如之國索鬼神而祭則讀邦法以糾戒之春秋祭崇

正齒位一命齒於鄉里再命齒於父族三命而不齒

商曰彤  
祀見祭

周曰繹  
祀見祭

用赤黍  
尚書大傳

禮儀部  
禮儀部  
禮儀部

載清酌

詩烈祖既載清酌以裸獻

祭四極

尸天子

侯祭山川大夫祀

祭五帝

漢舊儀宗廟八月飲酎用

三年祭五岳

漢舊儀祭五岳祠用三月皆祭

郊祀志宣帝即位

增奉禋歌

樂志郊祀大禮

錄玉海孫奭撰大宋

正辭錄

李至取祭祀辭舊一百

九首增撰八十一首為正辭錄三卷上之景

旁通圖

德元年命李宗諤楊億陳彭年詳定正辭錄

玉海熙寧四年冬詔以諸事監祠事隸太常以

晉祭

肅奉神之禮太常簿楊傑集太常祠祭總要以

法玉海晉祭法晉盧諶撰祭典三卷

唐祀典

會要顯慶二

十二中祀十小祀八正元十五

降內香

宋志凡常祀

內降御封香中祠供太府香中祠減大祠之半小祠減中

御封香中祠減大祠之半小祠減中

御封香中祠減大祠之半小祠減中

半祠之

封御寶

宋志祝版當進署者並命祕閣

供酌

醪唐六典良醞令若享太廟供其鬱鬯之酒以實

醪唐六典良醞令若享太廟供其鬱鬯之酒以實

木瓜祭先王於北河之上請木瓜五枚

成天文

廣義

易通卦驗冬至而成天文鄭注云天文謂之三公光運行而

照天下冬至而數訖於是時也祭而成之

照天下冬至而數訖於是時也祭而成之

陰祀日

月宜祭祖考掃墓與清明同

不用玉

玉餘用竹

禪用玉凡祝辭皇帝親祀則書之冊封

禪用玉凡祝辭皇帝親祀則書之冊封

事死如生

祭義文王之祭也

祭神如在

論語

欽尚書謂弗欽

黷則不敬

春秋已卯烝公羊傳曰常

爾譏亟也亟則

常祀不卜

左傳禮不卜常祀而卜其

卜其郊上怠慢也望郊之

大饗不卜

曲禮鄭注祭五

禮儀部

開盤頁函卷一百六十一

祭祀總載

二

也卜有報有祈郊祀牲祭有報焉有祈焉鄭注報謂若

也貞莫舉莫廢曲禮凡祭有其廢之莫敢廢也鄭注謂其瀆神也廢舉謂

也若殷廢農祀棄後不尚醴尚酒明堂位殷尚醴周尚

也復廢棄祀農也尚醴尚酒明堂位殷尚醴周尚

也周禮甸師職祭祀共蕭茅鄭注蕭香蒿也茅以甸師共蕭

也共祭之苴亦以縮酒苴以藉祭則共其接盛鄭注接讀

共接廩人掌九穀之數大祭則共其接盛鄭注接讀

藉田之收藏於神倉鹽人共鹽祀共其苦鹽散鹽注

杜子春讀苦為鹽謂田官納粟穀梁傳甸粟而內之

出鹽直用不凍治也田官納粟三宮三夫人也宗廟之祭

御廩註甸甸師掌田之官也三宮三夫人也宗廟之祭

君祭割夫人親春疏曰納粟者甸師而夫人親春之也

醖酒浼清酒也醖酒浼清酒也醖酒浼清

之而已涉盍齊必和以明水浼齊又鄭注浼猶清也

清酒者皆久味相得明水浼齊又鄭注浼猶清也

五齊濁沛之使清謂之浼雞酒薄祭為太尉黃瓊所

齊及取明水皆貴新也雞酒薄祭為太尉黃瓊所

辟不就及瓊卒歸葬穉乃負糧徒步到江魚椒之祭

夏赴之設雞酒薄祭哭畢而去不告姓名魚椒之祭

鹽鐵論古者有魚椒酌彼行潦詩洞酌流潦也箋云

之祭春秋祀其祖祠酌彼行潦詩洞酌流潦也箋云

流潦水之薄者也遠于彼行潦詩于以采藻于彼行

酌取之投大器之中于彼行潦詩于以采藻于彼行

也婦人之行尚柔順自薦式蘋藻王昉祭徐聘士文

潔清故取名以為戒薦式蘋藻王昉祭徐聘士文

藉以白茅豈必珍羞蘋藻是歆微物將禮蘋藻是歆

所以致之者誠耳蘋藻是歆微物將禮蘋藻是歆

龍旂承祀詩閔宮篇鄭箋云交龍為

龍旂承祀詩閔宮篇鄭箋云交龍為

乘奉承黍稷而進之者鄭箋黍稷也諸侯建龍旂者十

王後八州登歌擊拊周禮小師掌大祭祀登歌

之大國登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

禮儀部登歌擊拊周禮小師掌大祭祀登歌

**管擊鼓**

又云下管擊應鼓

**穆穆皇皇**

周禮保氏掌諫

**容鄭注**

乃教之六儀一曰祭祀之

**雍雍肅肅**

詩有來雍

**而肅肅然**

乃助王禘祭

**奉璋我我**

詩傳我我壯盛也

**璋之儀**

**執爨踏踏**

詩傳爨爨廩爨也

**卜爾百福**

**我我然**

踏踏言爨竈有容也

**爾萬壽**

又天保篇君曰卜爾萬壽無疆傳云君先君也

**時萬時億**

詩永錫爾福極時萬時億箋云長賜汝

**歆不祀**

左傳狐突適下國遇太子太子使登僕而告之

**祀余對曰**

神不歆非類民不祀非族君祀

**武帝祠時**

**幸雍祠**

武帝紀元狩元年冬十月行

**高宗彤日**

尚書高

**漢書**

武帝紀元狩元年冬十月行

**幸代宗**

柴告既畢有黃鵠三十從

**紫氣散殿**

漢書宣

**西南來**

經祠壇上東北過於宮屋

**赤光入祠**

列異傳漢宣帝幸五時

**甘泉有**

紫黃氣從

**赤光入祠**

列異傳漢宣帝幸五時

**雉城來**

**夜光如星**

漢書郊祀志秦文公獲若石云於

**或歲數**

來也常以夜光輝若流星從東方來

**左右趣**

**集於桐**

城若雉其聲殷殷云野雞夜鳴

**事濟然**

敬左右趨之臣皆促疾於事謂相助積薪也

**鼓鐘送尸**

又云鼓鐘送尸節神者也尸

**享否不可**

知自孝子之心

**文公逆祀**

左傳文公二年

**於太廟**

躋僖公逆祀也君子以為失禮禮

**張寬從祀**

**無不順祀**

國之大事也而逆之可為禮乎

**益部者**

舊傳蜀郡張寬漢文帝時為侍中從祀甘泉至

**渭橋有**

女子浴於渭水乳長七尺上怪其異遣問之女

**禮儀部**

祭禮部

**禮儀部**

祭禮部

**禮儀部**

祭禮部

曰帝後第七車知我所來時寬在第七車對

**增**以義

曰天星主祭祀者齋戒不嚴則女人星見

以仁於數煩以仁處禮則祭不致於疏怠

養以文類虞集誠存堂記以祀以養

尚質盡誠文獻

天寶五載詔祭神如在傳諸古訓以多為貴著自禮經

極隆致辨八編類纂周官祀五帝之禮有與

獻官書續文獻通考元世祖中統三年即中

行再生禮

遼聖宗紀四年十月丁酉皇太

碑銘蘭蒸椒

如春蘭秋菊元文類吳徵書李伯時九歌圖後云春

鏤玉繩金更繩金玉

黑二牲

黑二牲

祭天地

花酒

祭天地

蠟臘異祭

祭天地

不能嚴清

祭天地

祭天地

祭天地

祭天地

祭天地

祭天地

祭天地

祭天地

祠之臣助 我惻楚 獵獸祭廟 月令廣義 狐以立秋日祭獸 宗廟

獲禽薦俎 宋志雍熙 給酒助祭 天中記後魏胡叟少 赤武裴定宗等謂潛曰再三之惠以為過厚子惠於叟

若孺子之號燉煌范潛家善釀酒每節送一壺與叟許 何其恒也潛曰我恒給 竊食以祭 卓字子助陳留人

祭者以其恒於孝思也 竊食以祭 卓字子助陳留人 臘日奴竊食祭其母 譙周祭志 孟詵祭儀 月

卓義其心即日免之 譙周祭志 禮志 孟詵祭儀 令 廣義温公曰孟詵家祭儀用二分

澤虞凡祭祀賓客共澤物之奠鄭注 原澤虞共澤物 禮 澤物之奠籩豆之實芹芡芡之屬

司烜氏掌以夫遂取明火於日以鑿取明水於月以共 祭祀之明盥明燭共明水鄭注陳明水以為元酒也明

盥謂以明水脩 烹人共大羹 周禮烹人祭祀共大羹 滌菜盛黍稷也 銅羹不致五味 雷鼓鼓神祀 鄭注雷鼓八面鼓也神

大羹不致五味 雷鼓鼓神祀 鄭注雷鼓八面鼓也神 銅羹加鹽菜矣 雷鼓鼓神祀 鄭注雷鼓八面鼓也神

神祀天 路鼓鼓鬼享 鄭注路鼓四面鼓 增樂師立 縣間 元史禮樂志樂師一人運譜一人掌以樂

立楹西 又協律郎一人立於縣北通街之西東向以節樂 堂上者主登歌 原祀上帝於北河 洪州記昔禹治

堂下者主宮懸 祭蚩尤於沛庭 漢高帝紀高祖 到終山祀上帝於北河也 祭蚩尤於沛庭 立為沛公祠黃

帝祭蚩尤於沛庭 增祭祀之節有六 祀之名有四 詳祭 而繫鼓旗鼓皆赤 祭祀之名有四 祀之名有四

卜日齋戒陳設省牲器奠玉 祭祀之名有四 祀之名有四 帛宗廟之晨裸進熟饋食 祭祀之名有四 祀之名有四

屬車八十一乘 蔡邕獨斷曰古者諸侯二車九乘秦滅 太乙甘泉皆盡用之 總屋七十一區 宋志詔以鑄鼎

明帝上原陵又用之 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

總屋七十一區 宋志詔以鑄鼎 總屋七十一區 宋志詔以鑄鼎 總屋七十一區 宋志詔以鑄鼎

禮儀部 祭祀總載



祭祀總載四

**原**多儀

書享多儀儀不

**盡**志

祭統外則盡物內則盡

也志敬

**思**敬

祭思

**首**義

祭今之祭者不首其義故誣於

**齋**如

祭必齋

**顯**若

易觀盥而不

**貴**氣

郊特牲至

而貴氣

**求**食

猶求食

**錫**嘏

錫嘏純嘏注純

**備**禮

子曰我祭則受福蓋得其道矣注福

**誰**尸

詩誰其尸之

**勞**矣

詩豈弟君子勞來也

吐猶不

**諂**也

論語非其鬼

**為**人

左傳祭祀以為人

**從**生

祭從生者父為大夫士

**八**政

洪範八政

**九**式

周禮太宰以九式注為財用

**八**樽

樽八

**二**簋

易二簋

**八**樽

祭以疎

之節

**恣**祀

周書夙夜恣

**常**祀

四時之

**暴**浩

喪祭

足曰暴有

**忠**敬

其忠敬

**弔**矣

**敬**之

**薦**陳

**侑**

酌

**重**民教

周書武成篇重民

**僭**旅山

季氏旅於泰

曰汝弗能救與

**脩**歲之首

月令孟春之月脩祭典

用數之仿

禮記祭用數之仿注算今年

**非**禮不誠

祭祀共給鬼神

**無**豐于昵

傳說戒高宗祭祀不

彼於此

禮不知神之所在

**來**顧來饗

**尸**祝過時

過祭

時不

**祝**史正辭

傳

**著**誠致潔

**依**德享義

**齋**敬

之心

**蘋**藻之奠

苟失其儀

**是**誣於祭

**鬼**神饗

德

**祭**祀貴誠

**禮**崇明祀

**神**享至誠

**克**禋克祀

禮儀部

禮儀部

祭祀總載

三

是亨是宜 鼎俎既陳 籩豆既設 致其誠信  
潔以馨香 齋莊之色 怵惕之心 儼恪之儀 敬  
齋之色 慎抑抑之儀 降穰穰之福 仰得一之靈  
降時萬之福 正若思之貌 仰如在之神 苟非  
蘋藻之誠 是用秣稗之禮 苟祭典之有乖 在禮  
容而奚取 **增**宗廟崇儀 禴嘗明祀 欽若天地  
虔奉廟祧 黍稷維馨 籩豆有楚 霜露既零 春  
秋匪懈 爰脩饗祀 載展牲牲 備其鼎俎 潔爾  
牛羊 先祖是皇 神明其德 陟降彤庭 往來黃  
道 是蒸是享 孔惠孔時 以介壽祺 聿流曾慶

靈承無斁 駿奔有容 三獻禮終 九成樂作  
紫煙書升 靈光下燭 禮備多儀 樂成九變 報  
本克禋 順時脩祭 雕豆玉觴 青圭紺席 鼎氣  
歆雲 神光燭地 珪組既陳 酒醴皆潔 克脩羣  
祀 大合百神 上祇明命 下達精誠 率由舊章  
敬恭明祀 虔奉犧牲 躬奠珪璧 備殷薦之容  
行昭報之禮 長朱草於齋除 產靈芝於廟柱  
表勤昭事之心 載展奉先之意 乘上日而恭饗  
奉高禋而肅事 諸侯駿奔以助祭 百靈肸蠁而降  
祥 福辜充祠於百物 望秩備禮於四方 聖人垂

遷坐之規 明王制齋心之地 瑞氣蜿蜒於數旬  
祥光熠燿於旄罕 郊秋歲奉於嚴禋 宗廟時脩其  
明薦 禮官博士分典斯務 庖人尸祝各守是司  
列黍稷而馨感明靈 奉和樂而聲聞霄漢 霜露之  
感永切孝思 禋燎之儀每勤精意 祇見宗廟情極  
於孝思 有事郊丘義崇於嚴配 祀事孔明必先於  
酒醴 神其戾止亦在於馨香 繁纓藻帶燦爛於祭  
容 孤竹雲和鏗鏘於聲律 祝史正辭孚聖德於上  
帝 牲牲肥腍降景福於明神 精靈不測有上下之  
神祇 誠敬無文有春秋之禴祀 執觚奉爵禮必祖

乎敬恭 藉茅設洗事無忘於豐潔 入戶儼然感四  
時而展敬 祭神如在瞻一廟以式思 玉瓚黃流躬  
涖四時之祭 龍袞元冕力還三代之儀 繩直準平  
驕考工之斤斧 芒寒色正炯清廟之星辰 聆夫磬  
管知律呂之克諧 列彼苾芬信幽明之允叶 魯蜡  
有乖仲尼聞而發歎 漢紀多僻匡衡陳其用祥 潔  
以新樽冀精誠之可達 歆於明德知黍稷之非馨  
祥風入候當乎八變之殷 瑞日揚輝屬乎三獻之始  
祭祀總載五

原賦 魏孫該三公山下祠賦曰趙國元氏縣西界有六

神祠吾觀其一焉在陘山之陽即三公祠焉崇堂既峻  
危閣造雲櫺軒臨萬仞之壑土木被丹藻之華是時寓  
目永日夕宿東序召彼故老訊之舊典云棟宇初興七  
十載三台耀靈實降甘雨夫山以有形爲神神以無形  
爲主若乃歆蒸於上雷動於下公田穰於多黍婺婦利  
其滯穗亦茲邦之所以報歷葉不輟也於是援筆作賦  
招神靈之有憑壯夏屋之弘麗其詞曰坤作地勢恒岳  
吐精布濩磔啟上秀太清三后讚事兩師不寧有滄淒  
淒潤我羣生先人諒德圖象垂形考之舊史典謨無聲  
**增**唐杜甫朝獻太清宮賦曰太乙奉引庖犧左右堯

步舜趨禹馳湯驟鬱曾宮之律萃坼元氣以經構斷紫  
雲而竦牆撫流沙而承雷紛墮珠而陷碧燿波錦而浪  
繡森青冥而欲雨艷光炯而初晝於是翠牲俄的藻藉  
舒就祝融擲火以焚香溪女捧盤而盥漱羣有司之望  
幸辨名物之難究瓊漿自間於粢盛羽客先來於介冑  
爍皇祖之儲祉敬雲孫而及此詔軒轅使合符勅王喬  
以視履積昭感於嗣續匪正辭於祝史若肸蠁之有憑  
肅風颺而乍起揚流蘇於浮柱金英霏而披靡擬雜佩  
於曾顛孔一作芝蓋歌以颯纒中澁澁以迴復外蕭蕭而  
未已宋張耒大禮慶成賦曰天子方端而虛儼而一

多儀未舉精意已塞甲夜始晦嚴鼓載作飛斂走伏神  
驚鬼愕望騰精以燭宵兮元冥收威而布德靈鼉互震  
軫車將中天子乃被袞執玉兮齊明莊栗之誠動於進  
趨表於形容千燎具舉萬炬畢融上揜熒惑旁爍燭龍  
近爲朝暘遠爲融風赫赫曦煌煌輝輝陟降旣周燎  
煙始升奔星走虹奉璧薦牲豐隆奔馳而仰驚兮祝融  
焜煌而上征開閭闔兮闕清都后帝燕兮百神愉圓錫  
蓋兮方獻輿岳輸固兮溟效濡

**原詩**梁簡文帝和蕭東陽祀七里廟詩曰萬里實幽宗  
三神亦天構豈謂木石精斯乃山川守遠來太白旗遙

徵青鳥候以茲敬弗怠方知教應富 陳周弘讓春夜

醮五岳圖文詩曰夜靜瓊筵謐月出杏壇明香煙百和

吐燈色九微清五岳移龍駕十洲迴鳳笙目想靈人格

心屬羽衣輕蕙肴薦神饗桂醕達遥誠熙然聊自得挹

酒念浮生 陳叔達州城西園入齋祠社詩曰升壇預

潔祀詰早肅分司達氣風霜積登光日色遲農教先八

政陽和秩四時旂年服垂冕告幣動褰帷瘞地尊餘奠

人天庶有資椒蘭卒清酌簋簋徹香其折俎分歸胙充

庭降受釐方憑知禮節况奉化雍熙 楊慎從駕祀麓

山廟詩曰聖德憂民暇麾旆謁山靈畫航泛北渚文馬

侍東平春浦戈鋌照寒林鏡吹鳴依稀長安驛蕭條都尉城井泉能共動江帆得分行窗幽細網合階靜落花明簷巢始入燕軒樹已遷鶯菲菲蘭俎馥淡淡桂樽清銀塘日影盡玉座舞衣輕 周庾信老子廟詩曰三門臨苦縣九井對靈溪盛丹須竹節量藥用刀圭行當別關吏直向流沙西 **增**唐明皇經魯祭孔子詩曰夫子何為者棲棲一代中地由鄒氏邑宅即魯王宮嘆鳳嗟身否傷麟怨道窮今看兩楹奠當與夢時同 杜甫謁元元皇帝廟詩曰配極元都闕憑高禁籞長守祧嚴具禮掌節鎮非常碧瓦初寒外金莖一氣傍山河扶繡戶

日月近雕梁仙李蟠根大猗蘭奕葉光世家遺舊史道德付今王畫手看前輩吳生遠擅場森羅移地軸妙絕動宮墻五聖聯龍袞千官列雁行冕旒俱秀發旌旆盡飛揚翠柏深留景紅梨迥得霜風箏吹玉柱露井凍銀床身退卑周室經傳拱漢皇谷神如不死養拙更何鄉 **正**儲光羲尚書省受誓誠詩曰皇家有恒憲齋祭崇明祀嚴車伊洛間受誓文昌裏沈沈雲閣見稍稍城烏起曙色照衣冠虛堂鳴劔履徘徊念私覲悵望臨清汜李希仲東皇太一祠詩曰吉日初齋戒靈符穆上皇焚香布瑤席鳴佩奠椒漿緩舞花飛滿清歌水去長回波

送神曲雲雨滿瀟湘 儲光羲祭風伯壇詩曰聖主御  
青春綸言命使臣將脩風伯祀更福太平身帝幕宵聯  
事壇場曉降神帝心矜動物非爲屬車人 曹唐三年  
冬大禮詩曰太一天壇降紫君屬車龍鶴夜成羣春浮  
玉藻寒初落露拂金莖曙欲分三代樂迴風入律四溟  
歌駐水成文千官不動旌旗下日照南山萬樹雲 宋  
王珪大饗明堂慶成詩曰皇祐更秋律明堂奉帝禋粢  
盛雖薦德霜露本懷親於赫朝三后無文秩百神九筵  
交玉幣重屋近星辰邃幄留飈御清壇墮月津衣冠漢  
儀舊金石舜韶新受胙開宣室鳴鐘降紫宸羣陰光復

旦協氣斗迴春靈貺叢千祀豐恩滲四垠慚非老辭筆  
徒學煥堯文 蘇軾扈從景靈宮詩曰風伯前驅清宿  
霧祝融驟乘破朝寒英姿聯壁從多士妙句鏘金和八  
鸞 明黃裳立春奉祀太乙詩曰九霄香露降龍衣隱  
隱霓旌下紫微十雨五風春意好已知消息曉來歸  
汪廣洋大祀詩曰掃地事明薦穹廬列周行鼓鐘宿在  
縣玉帛粲陳筐匏湛醴齊大登具牛羊匪侈禮物豐  
貴在誠意將川岳永流峙風雲倏低昂神靈符肸鬯鑒  
假達羶薌 李夢陽靈濟宮詩曰愆愆精靈託呼噓霹  
靂隨先皇親議號繼聖必脩祠爵陟王侯上尊同帝者

司琳瑯搖繡栱松柏蔭丹墀瓶內金花湧龕前紫鳳垂  
晴還日月祕暝則鬼神悲五帝非無術千齡今見誰  
又赴郊觀宿詩曰城邊水色淨春茅苑外鶯啼拂露梢  
萬戶煙花臨複道九天宮殿鎖南郊霓旌夜發清溪繞  
綵仗神飛碧樹交身到鈞天渾不解坐聞仙樂下雲旂  
又桂殿詩曰桂殿芝房曙色通垂垂苑柳綠烟中桑  
乾斜映千門月碣石長吹萬里風已有金吾嚴御陌遙  
傳玉輅下齋宮侍臣鵠立松陰裏時倚紅雲望碧空  
于慎行陪祀西郊詩曰絳節移秋苑瓊壇夕月明百靈  
森鳳幄九奏穆龍笙明水珠英落蘭陵玉笋行上辛殷

舊秩少采達遙誠肅肅瑤臺靜沈沈桂影清涼風開輦  
道燈火入西城蔡汝楠紫微宮行祈祝禮詩曰行趨  
紫微闕儼是北辰居灝氣通王屋元風徹禁廬神祇猶  
望幸雲雨爲前驅將命叨成禮端章叩玉虛

**增**歌漢安世房中歌曰大孝備矣休德昭清高張四縣  
樂充宮廷芬樹羽林雲景杳冥金支秀華庶旒翠旌  
鬻鬻音送細齊人情忽乘青元熙事備成清思踟踟經  
緯冥冥大海蕩蕩水所歸高賢愉愉民所懷大山崔  
百卉殖民何貴貴有德晉傅休奕祀天地五郊迎送  
神歌辭曰宣文蒸哉日靖四方永言保之夙夜匪康光



天之命上帝是皇嘉樂殷薦靈祚景祥神祇降格享福無疆

**原**梁江淹牲出入歌辭曰祝詳史具禮備樂薦有牲在陳有鼓在懸騰燭象星奔水類電郊燎夙戒駢彼乘駟以伺質明以申神宴

又薦豆毛血歌辭曰時恭時祀有物有則伊我上聖實抱明德犧象交陳鬱樽四塞黍惟嘉穀酒惟元默薦通蒼昊慶覃黎黑願靈之降祚家佑國

又奏宣列之樂歌辭曰殷崇配天周尊明祀瑞合汾陰夢同泰時青幕雲舒丹殿霞起二曜惟新五精告始於以饗之景福是履

**原序**晉稽含祖道賦序曰祖之在於俗尚矣自天子至

庶人莫不咸用有漢卜日丙午魏氏擇其丁未至於大晉則祖孟月之酉日各因其行運三代固不同雖其奉祖莫識祖之所由興也說文祈請道神謂之祖有事於道者吉凶皆名君子行役則列之於中路喪者皆遷則稱名於階庭或云百葉遠祖名皆凋滅墳塋不復存其銘表遊魂不得托於廟祧智者故以歲初良辰肇建華麾揚絳旗將欲招靈爽於今夕庶衆祖之來憑蓋有兩端俯嘆壯觀乃述而賦之

**增文**漢光武祭告天地羣神文曰皇天上帝后土神祇眷顧降命屬秀黎元爲人父母秀不敢當羣下百辟不

漢書卷一百一十三  
謀同辭咸曰王莽篡位秀發憤興兵破王尋王邑於昆陽誅王郎銅馬於河北平定天下海内蒙恩上當天地之心下爲元元所歸秀猶固辭至於再至於三羣下僉曰皇天上命不可稽留敢不敬承漢昭烈祭告天地神祇文曰惟建安二十六年四月丙午皇帝備用元牡昭告皇天上帝后土神祇漢有天下曆數無疆曩者王莽篡盜光武皇帝震怒致誅社稷復存今曹操阻兵安忍戮殺主后滔天泯夏罔顧天顯操子丕載其凶逆竊居神器羣臣將士以爲社稷隳廢備宜脩之嗣武二祖恭行天罰備雖否德懼忝帝位詢於庶民外及蠻夷君

長僉曰天命不可以不答祖業不可以久替四海不可以無主率土式望在備一人備畏天命又懼漢邦將湮於地謹擇元日與百僚登壇受皇帝璽綬脩燔瘞告類於天神惟神饗祚於漢家永綏四海

**原**晉殷允祭徐

孺子文曰惟豫章太守殷君謹奠漢故聘士豫章徐先生惟君資純元粹含真太和卓爾高尚道映南岳逍遙環堵萬物不干其志負褐行吟軒冕不易其樂時攜虛榻佇金蘭之眷千里命契寄生芻之詠非夫超悟身名遁世無悶者孰若是乎夫誠素自中微物爲重蘋藻是歆實過牲牢王恂祭徐聘士文曰豫章徐先生陶精

太和誕膺一德藏器高棲確爾特立貞一足以制羣動  
純本足以息浮末宣尼有言不事王侯高尚其事若先  
生者抑亦當之矣限茲遐路無由造敬係佇靈宇乃情  
依依故貢薄祀昭述宿心神而有靈倘垂尚饗 周穎  
文祭梁鴻文曰晉隆安四年陳郡周穎文以蘊藻行潦  
祠於梁先生之墓夫子邁志箕穎塵垢雕俗骨秀風霜  
性淳寡欲娶待偕隱之儷文絕陪臣之錄遂負策周魯  
之郊逆旅吳會之阿可謂高竒絕倫孤立莫和者也後  
學撫牘得人在文忽以知命而展其墳芒芒積草有馥  
餘芬昔先生過延陵而想季經海隅而感連苟踐迹而

趣合亦斷金於當年 陶潛自祭文曰歲惟丁未律中  
無射天寒夜長風氣蕭索鴻雁於征草木黃落陶子將  
辭逆旅之館永歸本宅故人悽其相悲同祖行於今夕  
自予爲人逢運之貧簞瓢屢罄絺綌冬陳已達運命疇  
能罔眷予今斯化可以無恨壽涉百齡身慕肥遯從老  
得終奚所復戀葬之中野以安其魂寂寂我行蕭蕭墓  
門奢侈宋臣儉笑王孫匪貴前譽孰重後歌人生實難  
死如之何 宋顏延之祭屈原文曰蘭薰而摧玉貞則  
折物忌堅芳人諱明潔粵若先生逢辰之缺 **增**謝惠  
連祖祭弟文曰闔棺窮野啟殯中荒靈影夙滅筵寢虛

張人往運來自秋徂陽蕃蘭落色宿草滋長孰云不痛  
辭家去鄉爾之于役爰適茲邑上秋告來方春佇立如  
何不弔吉違凶集六親憧心姻朋浩泣我雖載奔伊何  
云及永懷在昔追亡悼存惟兄及弟瞻母望昆生無榮  
讌沒望歸魂令龜告兆祖櫬東旋靈轅次路嚴舟在川  
廓然何及痛矣終天

**原**齊卞伯玉祭孫叔敖文曰謹  
以醴羞祭楚令尹孫君之靈眇眇千載悠悠舒荆理無  
不通事隔者形尚想清塵承風效誠超超夫子淡矣道  
情自心伊貴人爵靡英芳風如蕭清響如墳景矣行役  
言戾豫方側聞夫子記憤睢陽靈封頽墓丘塋榛荒幽

幽神道爲有爲亡徘徊永念悽矣其傷

**增**任孝恭祭

雜墳文曰惟爾冥然往代求圓石而無名邈矣遐年討  
方塼而不記封樹漂殄誰別羽商之家墳壟傾迴終迷  
庚癸之向近此伽藍實須泥丸命彼碩人置茲屯邑不  
謂綸繩所用遂沒牛亭之基鍬鍤所侵爰傷馬鬣之勢  
重使翠幕臨風佳城見日昔靈沼枯骨周王改以衣冠  
廣武授尸漢王加其轡轅輒勒彼山虞覆頽隍於舊趾  
命茲匠者脩反壤於故林還蟻結之文依似坊之勢幸  
得宜陽大道無變無移京兆長阡勿迴勿徙庶幽魂遊  
止踐昔徑而不疑塗車往還瞻舊轍而猶在 唐柳識

許先生潁陽祠庭獻酬文曰先生清靜天地全性出於  
胚渾入於鴻濛雲游鳥還翦鬱和風當時帝道已半滋  
章欲深大樸散於人未散於山林乃有巢父杳冥同心  
堯齋公器退然見推遇聖相感不得不知耳雖濯於清  
流道終播於無爲所謂春膏時蒸朽葉自滋先生含德  
唐堯發之潁陽之仁德日大天下之祿利日卑且聖王  
所重者名器至人所重者感通推以大名義同讓終廉  
能感俗道自爲功任應會之偶然生垂後之清風人登  
雲嶺多憶箕潁猗歟先生山水齊名茲焉遺廟萬古芬  
馨黃晞祭左丘明文曰天地何私鍾才特殊胸羅萬

象氣函八隅堯形舜骨禹步湯趨巍巍左丘千古德孤  
周孱魯憊玉石混渝仲尼經之神居緯諸百王千法電  
熠霞鋪浮忠暴孝竄姦磔諛弗官而賞弗斧而誅雲龍  
譎詭麟鳳怡愉星紀二十鱗如粲如後俗荒醉履捷迷  
途跬步咫尺荆棘扶疎鄒夾公穀不式不謨侵官盜位  
犯禁罹辜指白爲赤驚聾駭愚太陽無色殘燈有餘惟  
聖作古降聖冀區四子於是祈言厚誣仲舒劉向習異  
牽拘病在膏髓徒言皮膚有漢後葉方漏本書子駿元  
凱怒氣虹舒赤地申力橫流展圖大年倏臻平原罔虞  
凜然千祀清風襲予時移事遠迷終反初陸淳啖趙信

伏空虚黃踵成習夸紫亂朱方孩躑躅作氣跣跣骨幹  
葱弱吻齧乳濡張唇哆齒啗啗嘒狂聖姝厲齊鑣並  
驅蚓口蟬腹性稟只且張皇受納毫芒碎銖孰先為師  
孰後為徒更唱迭和蠅喧蠓吁

淵鑑類函卷一百六十二

